

Rigveda Mandala 5

——
ऋग्वेदः मण्डलं ५

——

Document Information



Text title : Rigveda Mandalam 5

File name : r05.itx

Category : veda, rigveda, svara

Location : doc_veda

Author : Vedic Tradition

Transliterated by : 1. Source: Aufrecht/van Nooten/Holland (Samhita), 2. Final transliteration:

Detlef Eichler

Proofread by : Detlef Eichler detlefeichler at gmail.com

Latest update : July 2, 2013

Send corrections to : detlefeichler@googlemail.com, sanskrit@cheerful.com

This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

Please help to maintain respect for volunteer spirit.

Please note that proofreading is done using Devanagari version and other language/scripts are generated using **sanscript**.

October 2, 2020

sanskritdocuments.org



ऋग्वेदः मण्डलं ५



अबोध्यग्निः समिधा जनानां प्रति धेनुमिवायतीमुषासम् ।
यद्वा इव प्र वयामुञ्जिहानाः प्र भानवः सिस्रते नाकमच्छ ॥ ५.००१.०१
अबोधि होता यजथाय देवानूर्ध्वो अग्निः सुमनाः प्रातरस्थात् ।
समिद्धस्य रुशददर्शि पाजो महान्देवस्तमसो निरमोचि ॥ ५.००१.०२
यदी गणस्य रशनामजीगः शुचिरङ्के शुचिभिर्गोभिरग्निः ।
आद्दक्षिणा युज्यते वाजयन्त्युत्तानामूर्ध्वो अधयञ्जुहूभिः ॥ ५.००१.०३
अग्निमच्छा देवयतां मनासि चक्षूषीव सूर्ये सं चरन्ति ।
यदी सुवाते उषसा विरूपे श्वेतो वाजी जायते अग्ने अह्वाम् ॥ ५.००१.०४
जनिष्ट हि जेन्यो अग्ने अह्नां हितो हितेष्वरुषो वनेषु ।
दमेदमे सप्त रत्ना दधानोऽग्निर्होता नि षसादा यजीयान् ॥ ५.००१.०५
अग्निर्होता न्यसीदद्यजीयानुपस्थे मातुः सुरभा उ लोके ।
युवा कविः पुरुनिष्ट ऋतावा धर्ता कृष्टीनामुत मध्य इद्धः ॥ ५.००१.०६
प्र णु त्यं विप्रमध्वरेषु साधुमग्निं होतारमीळते नमोभिः ।
आ यस्ततान रोदसी ऋतेन नित्यं मृजन्ति वाजिन घृतेन ॥ ५.००१.०७
मार्जाल्यो मृज्यते स्वे दमूनाः कविप्रशस्तो अतिथिः शिवो नः ।
सहस्रशृङ्गो वृषभस्तदोजा विश्वा अग्ने सहसा प्रास्यन्यान् ॥ ५.००१.०८
प्र सद्यो अग्ने अत्येष्यन्यानाविर्यस्मै चारुतमो बभूथ ।
ईळेन्यो वपुष्यो विभावा प्रियो विशामतिथिर्मानुषीणाम् ॥ ५.००१.०९
तुभ्यं भरन्ति क्षितयो यविष्ट बलिमग्ने अन्तित ओत दूरात् ।
आ भन्दिष्टस्य सुमतिं चिकिद्धि बृहत्ते अग्ने महि शर्म भद्रम् ॥ ५.००१.१०
आद्य रथं भानुमो भानुमन्तमग्ने तिष्ठ यजतेभिः समन्तम् ।
विद्वान्पथीनामुर्वश्न्तरिक्षमेह देवान्हविरद्याय वक्षि ॥ ५.००१.११

अवोचाम कवये मेध्याय वचो वन्दारु वृषभाय वृष्णे ।
 गविष्ठिरो नमसा स्तोममग्नौ दिवीव रुक्ममुरुव्यञ्चमश्रेत् ॥ ५.००१.१२
 कुमारं माता युवतिः समुब्धं गुहा बिभर्ति न ददाति पित्रे ।
 अनीकमस्य न मिनञ्जनासः पुरः पश्यन्ति निहितमरतौ ॥ ५.००२.०१
 कमेतं त्वं युवते कुमारं पेषी बिभर्षि महिषी जजान ।
 पूर्वीर्हि गर्भः शरदो ववर्धापश्यं जातं यदसूत माता ॥ ५.००२.०२
 हिरण्यदन्तं शुचिवर्णमारात्क्षेत्रादपश्यमायुधा मिमानम् ।
 ददानो अस्मा अमृतं विपुक्कत्किं मामनिन्द्राः कृणवन्ननुक्थाः ॥ ५.००२.०३
 क्षेत्रादपश्यं सनुतश्चरन्तं सुमद्युथं न पुरु शोभमानम् ।
 न ता अगृभ्रन्नजनिष्ट हि षः पलिक्रीरिद्युवतयो भवन्ति ॥ ५.००२.०४
 के मे मर्यकं वि यवन्त गोभिर्न येषा गोपा अरणश्चिदास ।
 य ई जगृभुरव ते सृजन्त्वाजाति पश्व उप नश्चिकित्वान् ॥ ५.००२.०५
 वसां राजानं वसतिं जनानामरातयो नि दधुर्मत्येषु ।
 ब्रह्माण्यत्रेव तं सृजन्तु निन्दितारो निन्द्यासो भवन्तु ॥ ५.००२.०६
 शुनश्चिच्छेपं निदितं सहस्राद्यूपादमुञ्चो अशमिष्ट हि षः ।
 एवास्मदग्ने वि मुमुग्धि पाशान्होतश्चिकित्व इह तू निषद्य ॥ ५.००२.०७
 हृणीयमानो अप हि मदैयेः प्र मे देवानां व्रतपा उवाच ।
 इन्द्रो विद्वौ अनु हि त्वा चक्ष तेनाहमग्ने अनुशिष्ट आगाम् ॥ ५.००२.०८
 वि ज्योतिषा बृहता भात्यग्निराविर्विश्वानि कृणुते महित्वा ।
 प्रादेवीर्मायाः सहते दुरेवाः शिशीते शृङ्गे रक्षसे विनिक्षे ॥ ५.००२.०९
 उत स्वानासौ दिवि षन्त्वग्नेस्तिग्मायुधा रक्षसे हन्त्वा उ ।
 मदे चिदस्य प्र रुजन्ति भामा न वरन्ते परिबाधो अदेवीः ॥ ५.००२.१०
 एतं ते स्तोमं तुविजात विप्रो रथं न धीरः स्वपा अतक्षम् ।
 यदीदग्ने प्रति त्वं देव हर्याः स्वर्वतीरप एना जयेम ॥ ५.००२.११
 तुविप्रोवो वृषभो वावृधानोऽशत्र्वैर्यः समजाति वेदः ।
 इतीममग्निममृता अवोचन्बर्हिष्मते मनवे शर्म यंसद्धविष्मते मनवे शर्म यंसत् ॥
 ५.००२.१२

त्वमग्ने वरुणो जायसे यत्त्वं मित्रो भवसि यत्समिद्धः ।
 त्वे विश्वे सहसस्पुत्र देवास्त्वमिन्द्रो दाशुषे मर्त्याय ॥ ५.००३.०१
 त्वमर्थमा भवसि यत्कनीनां नाम स्वधावन्गुह्यं बिभर्षि ।
 अञ्जन्ति मित्रं सुधितं न गोभिर्यद्वम्पती समनसा कृणोषि ॥ ५.००३.०२
 तव श्रिये मरुतो मर्जयन्त रुद्र यत्ते जनिम चारु चित्रम् ।
 पदं यद्विष्णोरुपमं निधायि तेन पासि गुह्यं नाम गोनाम् ॥ ५.००३.०३
 तव श्रिया सुदृशो देव देवाः पुरू दधाना अमृतं सपन्त ।
 होतारमग्निं मनुषो नि षेदुर्दशस्यन्त उशिजः शंसमायोः ॥ ५.००३.०४
 न त्वद्धोता पूर्वो अग्ने यजीयान्न काव्यैः परो अस्ति स्वधावः ।
 विशश्च यस्या अतिथिर्भवासि स यज्ञेन वनवद्देव मर्तान् ॥ ५.००३.०५
 वयमग्ने वनुयाम त्वोता वसूयवो हविषा बुध्यमानाः ।
 वयं समर्थे विदथेष्वहा वयं राया सहसस्पुत्र मर्तान् ॥ ५.००३.०६
 यो न आगो अभ्येनो भरात्यधीदघमघशंसे दधात ।
 जही चिकित्वो अभिशस्तिमेतामग्ने यो नो मर्चयति द्वयेन ॥ ५.००३.०७
 त्वामस्या व्युषि देव पूर्वे दूतं कृण्वाना अयजन्त ह्व्यैः ।
 संस्थे यदग्र ईयसे रयीणां देवो मर्तेर्वसुभिरिध्यमानः ॥ ५.००३.०८
 अव स्पृधि पितरं योधि विद्वान्पुत्रो यस्ते सहसः सून ऊहे ।
 कदा चिकित्वो अभि चक्षसे नोऽग्ने कदाँ ऋतचिद्यातयासे ॥ ५.००३.०९
 भूरि नाम वन्दमानो दधाति पिता वसो यदि तञ्जोषयासे ।
 कुविद्देवस्य सहसा चकानः सुम्नमग्निर्वनते वावृधानः ॥ ५.००३.१०
 त्वमङ्ग जरितारं यविष्ठ विश्वान्यग्ने दुरिताति पर्षि ।
 स्तेना अदृश्रिपवो जनासोऽज्ञातकेता वृजिना अभूवन् ॥ ५.००३.११
 इमे यामासस्त्वद्रिगभूवन्वसवे वा तदिदागो अवाचि ।
 नाहायमग्निरभिशस्तये नो न रीषते वावृधानः परा दात् ॥ ५.००३.१२
 त्वामग्ने वसुपतिं वसूनामभि प्र मन्दे अध्वरेषु राजन् ।
 त्वया वाजं वाजयन्तो जयेमाभि प्याम पृत्सुतीर्मर्त्यानाम् ॥ ५.००४.०१
 ह्व्यवाळग्निरजरः पिता नो विभुर्विभावा सुदृशीको अस्मे ।

सुगार्हपत्याः समिषो दिदीह्यस्मद्यश्क्सं मिमीहि श्रवासि ॥ ५.००४.०२
विशां कविं विश्वपतिं मानुषीणां शुचिं पावकं घृतपृष्ठमग्निम् ।
नि होतारं विश्वविदं दधिध्वे स देवेषु वनते वार्याणि ॥ ५.००४.०३
जुषस्वान्न इळया सजोषा यतमानो रश्मिभिः सूर्यस्य ।
जुषस्व नः समिधं जातवेद आ च देवान्हविरद्याय वक्षि ॥ ५.००४.०४
जुष्टो दमूना अतिथिर्दुरोण इमं नो यज्ञमुप याहि विद्वान् ।
विश्वा अग्ने अभियुजो विहत्या शत्रूयतामा भरा भोजनानि ॥ ५.००४.०५
वधेन दस्युं प्र हि चातयस्व वयः कृण्वानस्तन्वेऽ स्वायै ।
पिपर्षि यत्सहसस्पुत्र देवान्तसो अग्ने पाहि नृतम वाजं अस्मान् ॥ ५.००४.०६
वयं ते अग्न उक्थैर्विधेम वयं हव्यैः पावक भद्रशोचे ।
अस्मे रयिं विश्ववारं समिन्वास्मे विश्वानि द्रविणानि धेहि ॥ ५.००४.०७
अस्माकमग्ने अध्वरं जुषस्व सहसः सूनो त्रिषधस्थ हव्यम् ।
वयं देवेषु सुकृतः स्याम शर्मणा नस्त्रिवरूथेन पाहि ॥ ५.००४.०८
विश्वानि नो दुर्गहा जातवेदः सिन्धुं न नावा दुरिताति पर्षि ।
अग्ने अत्रिवन्नमसा गृणानोऽस्माकं बोध्यविता तनूनाम् ॥ ५.००४.०९
यस्त्वा हृदा कीरिणा मन्यमानोऽमर्त्यं मर्त्यो जोहवीमि ।
जातवेदो यशो अस्मासु धेहि प्रजाभिरग्ने अमृतत्वमश्याम् ॥ ५.००४.१०
यस्मै त्वं सुकृते जातवेद उ लोकमग्ने कृणवः स्योनम् ।
अश्विनं स पुत्रिण वीरवन्तं गोमन्तं रयिं नशते स्वस्ति ॥ ५.००४.११
सुसमिद्धाय शोचिषे घृतं तीव्रं जुहोतन ।
अग्रये जातवेदसे ॥ ५.००५.०१
नराशंसः सुषूदतीमं यज्ञमदाभ्यः ।
कविर्हि मधुहस्त्यः ॥ ५.००५.०२
ईळितो अग्न आ वहेन्द्र चित्रमिह प्रियम् ।
सुखै रथेभिरूतये ॥ ५.००५.०३
ऊर्णम्रदा वि प्रथस्वाभ्यर्का अनूषत ।
भवा नः शुभ्र सातये ॥ ५.००५.०४

देवीर्द्वारो वि श्रयध्वं सुप्रायणा न ऊतये ।
 प्रप्र यज्ञं पृणीतन ॥ ५.००५.०५
 सुप्रतीके वयोवृधा यही ऋतस्य मातरा ।
 दोषामुषासमीमहे ॥ ५.००५.०६
 वातस्य पत्मन्नीळिता दैव्या होतारा मनुषः ।
 इमं नो यज्ञमा गतम् ॥ ५.००५.०७
 इळा सरस्वती मही तिस्रो देवीर्मयोभुवः ।
 बर्हिः सीदन्त्वस्त्रिधः ॥ ५.००५.०८
 शिवस्त्वष्टरिहा गहि विभुः पोष उत त्मना ।
 यज्ञेयज्ञे न उदव ॥ ५.००५.०९
 यत्र वेत्थ वनस्पते देवानां गुह्या नामानि ।
 तत्र हव्यानि गामय ॥ ५.००५.१०
 स्वाहाग्रये वरुणाय स्वाहेन्द्राय मरुद्भ्यः ।
 स्वाहा देवेभ्यो हविः ॥ ५.००५.११
 अग्निं तं मन्ये यो वसुरस्तं यं यन्ति धेनवः ।
 अस्तमर्वन्त आशवोऽस्तं नित्यासो वाजिन इषं स्तोतृभ्य आ भर ॥ ५.००६.०१
 सो अग्निर्यो वसुर्गुणे सं यमायन्ति धेनवः ।
 समर्वन्तो रघुद्रुवः सं सुजातासः सूरय इषं स्तोतृभ्य आ भर ॥ ५.००६.०२
 अग्निर्हि वाजिनं विशे ददाति विश्वचर्षणिः ।
 अग्नी राये स्वाभुवं स प्रीतो याति वार्यमिषं स्तोतृभ्य आ भर ॥ ५.००६.०३
 आ ते अग्र इधीमहि द्युमन्तं देवाजरम् ।
 यद्ध स्या ते पनीयसी समिद्धीदयति द्यवीषं स्तोतृभ्य आ भर ॥ ५.००६.०४
 आ ते अग्र ऋचा हविः शुक्रस्य शोचिषस्पते ।
 सुश्वन्द्र दस्म विश्पते हव्यवाट तुभ्यं हूयत इषं स्तोतृभ्य आ भर ॥ ५.००६.०५
 प्रो त्ये अग्रयोऽग्निषु विश्वं पुष्यन्ति वार्यम् ।
 ते हिन्विरे त इन्विरे त इषण्यन्त्यानुषगिषं स्तोतृभ्य आ भर ॥ ५.००६.०६
 तव त्ये अग्ने अर्चयो महि ब्राधन्त वाजिनः ।

ये पत्वभिः शफानां ब्रजा भुरन्त गोनामिषं स्तोतृभ्य आ भर ॥ ५.००६.०७
 नवा नो अग्र आ भर स्तोतृभ्यः सुक्षितीरिषः ।
 ते स्याम य आनुचुस्त्वादूतासो दमेदम इषं स्तोतृभ्य आ भर ॥ ५.००६.०८
 उभे सुश्चन्द्र सर्पिषो दर्वी श्रीणीष आसनि ।
 उतो न उत्पूर्या उक्थेषु शवसस्पत इषं स्तोतृभ्य आ भर ॥ ५.००६.०९
 एवाँ अग्निमजुर्यमुर्गीर्भिर्यज्ञेभिरानुषक् ।
 दधदस्मे सुवीर्यमुत त्यदाश्वश्चमिषं स्तोतृभ्य आ भर ॥ ५.००६.१०
 सखायः सं वः सम्यश्चमिषं स्तोमं चाग्रये ।
 वर्षिष्ठाय क्षितीनामूर्जो नत्रे सहस्वते ॥ ५.००७.०१
 कुत्रा चिद्यस्य समृतौ रण्वा नरो नृषदने ।
 अहन्तश्चिद्यमिन्धते संजनयन्ति जन्तवः ॥ ५.००७.०२
 सं यदिषो वनामहे सं हव्या मानुषाणाम् ।
 उत द्युमस्य शवस ऋतस्य रश्मिमा ददे ॥ ५.००७.०३
 स स्मा कृणोति केतुमा नक्तं चिद्दूर आ सते ।
 पावको यद्वनस्पतीन्प्र स्मा मिनात्यजरः ॥ ५.००७.०४
 अव स्म यस्य वेषणे स्वेदं पथिषु जुहति ।
 अभीमह स्वजेन्यं भूमा पृष्ठेव रुरुहुः ॥ ५.००७.०५
 यं मर्त्यः पुरुस्पृहं विदद्विश्वस्य धायसे ।
 प्र स्वादनं पितूनामस्ततातिं चिदायवे ॥ ५.००७.०६
 स हि ष्मा धन्वाक्षितं दाता न दात्या पशुः ।
 हिरिश्मश्रुः शुचिदन्नुभुरनिभृष्टतविषिः ॥ ५.००७.०७
 शुचिः ष्म यस्मा अत्रिवत्प्र स्वधितीव रीयते ।
 सुषूरसूत माता क्राणा यदानशे भगम् ॥ ५.००७.०८
 आ यस्ते सर्पिरासुतेऽग्ने शमस्ति धायसे ।
 ऐषु द्युममुत श्रव आ चित्तं मर्त्येषु धाः ॥ ५.००७.०९
 इति चिन्मन्युमग्निजस्त्वादातमा पशुं ददे ।
 आदग्ने अपृणतोऽत्रिः सासह्याद्दस्यूनिषः सासह्यान्वृन् ॥ ५.००७.१०

त्वामग्नं ऋतायवः समीधिरे प्रत्नं प्रत्नास ऊतये सहस्कृत ।
 पुरुश्चन्द्रं यजतं विश्वधायसं दमूनसं गृहपतिं वरेण्यम् ॥ ५.००८.०१
 त्वामग्ने अतिथिं पूर्यं विशः शोचिष्केशं गृहपतिं नि षेदिरे ।
 बृहत्केतुं पुरुरूपं धनस्पृतं सुशर्माणं स्ववसं जरद्विषम् ॥ ५.००८.०२
 त्वामग्ने मानुषीरीळते विशो होत्राविदं विविचिं रत्नधातमम् ।
 गुहा सन्तं सुभग विश्वदर्शतं तुविष्वणसं सुयजं घृतश्रियम् ॥ ५.००८.०३
 त्वामग्ने धर्णसिं विश्वधा वयं गीर्भिर्गृणन्तो नमसोप सेदिम ।
 स नो जुषस्व समिधानो अङ्गिरो देवो मर्तस्य यशसा सुदीतिभिः ॥ ५.००८.०४
 त्वमग्ने पुरुरूपो विशेविशे वयो दधासि प्रत्नथा पुरुष्टुत ।
 पुरूण्यन्ना सहसा वि राजसि त्विषिः सा ते तित्विषाणस्य नाधृषे ॥ ५.००८.०५
 त्वामग्ने समिधानं यविष्ठ्य देवा दूतं चक्रिरे हव्यवाहनम् ।
 उरुञ्जयसं घृतयोनिमाहुतं त्वेषं चक्षुर्दधिरे चोदयन्मति ॥ ५.००८.०६
 त्वामग्ने प्रदिव आहुतं घृतैः सुम्नायवः सुषमिधा समीधिरे ।
 स वावृधान ओषधीभिरुक्षितोऽभि ज्रयासि पार्थिवा वि तिष्ठसे ॥ ५.००८.०७
 त्वामग्ने हविष्मन्तो देवं मर्तास ईळते ।
 मन्ये त्वा जातवेदसं स हव्या वक्ष्यानुषक् ॥ ५.००९.०१
 अग्निर्होता दास्वतः क्षयस्य वृक्तबर्हिषः ।
 सं यज्ञासश्चरन्ति यं सं वाजासः श्रवस्यवः ॥ ५.००९.०२
 उत स्म यं शिशुं यथा नवं जनिष्टारणी ।
 धर्तारं मानुषीणां विशामग्निं स्वध्वरम् ॥ ५.००९.०३
 उत स्म दुर्गृभीयसे पुत्रो न ह्यार्याणाम् ।
 पुरू यो दग्धासि वनाग्ने पशुर्न यवसे ॥ ५.००९.०४
 अध स्म यस्यार्चयः सम्यक्संयन्ति धूमिनः ।
 यदीमहं त्रितो दिव्युप ध्मातेव धमति शिशीते ध्मातरी यथा ॥ ५.००९.०५
 तवाहमग्नं ऊतिभिर्मित्रस्य च प्रशस्तिभिः ।
 द्वेषोयुतो न दुरिता तुर्याम मर्त्यानाम् ॥ ५.००९.०६
 तं नो अग्ने अभी नरो रयिं सहस्व आ भर ।

स क्षेपयत्स पोषयद्भुवद्वाजस्य सातय उतैधि पृत्सु नो वृधे ॥ ५.००९.०७
अग्र ओजिष्ठमा भर द्युम्रमस्मभ्यमग्निगो ।
प्र नो राया परीणसा रत्सि वाजाय पन्थाम् ॥ ५.०१०.०१
त्वं नो अग्ने अद्भुत क्रत्वा दक्षस्य मंहना ।
त्वे असुर्यमारुहत्क्राणा मित्रो न यज्ञियः ॥ ५.०१०.०२
त्वं नो अग्र एषां गयं पुष्टिं च वर्धय ।
ये स्तोमेभिः प्र सूरयो नरो मघान्यानशुः ॥ ५.०१०.०३
ये अग्ने चन्द्र ते गिरः शुम्भन्त्यश्वराधसः ।
शुष्मेभिः शुष्मिणो नरो दिवश्चिद्येषां बृहत्सुकीर्तिर्बोधति त्मना ॥ ५.०१०.०४
तव त्वे अग्ने अर्चयो भ्राजन्तो यन्ति धृष्णुया ।
परिज्मानो न विद्युतः स्वानो रथो न वाजयुः ॥ ५.०१०.०५
नू नो अग्र ऊतये सबाधसश्च रातये ।
अस्माकासश्च सूरयो विश्वा आशास्तरिषणि ॥ ५.०१०.०६
त्वं नो अग्ने अङ्गिरः स्तुतः स्तवान आ भर ।
होतर्विभ्वासहं रयिं स्तोतृभ्यः स्तवसे च न उतैधि पृत्सु नो वृधे ॥ ५.०१०.०७
जनस्य गोपा अजनिष्ट जागृविरग्निः सुदक्षः सुविताय नव्यसे ।
घृतप्रतीको बृहता दिविस्पृशा द्युमद्वि भाति भरतेभ्यः शुचिः ॥ ५.०११.०१
यज्ञस्य केतुं प्रथमं पुरोहितमग्निं नरस्त्रिषधस्थे समीधिरे ।
इन्द्रेण देवैः सरथं स बर्हिषि सीदन्नि होता यजथाय सुक्रतुः ॥ ५.०११.०२
असम्मृष्टो जायसे मात्रोः शुचिर्मन्द्रः कविरुदतिष्ठो विवस्वतः ।
घृतेन त्वावर्धयन्नग्र आहुत धूमस्ते केतुरभवद्विवि श्रितः ॥ ५.०११.०३
अग्निर्नो यज्ञमुप वेतु साधुयाग्निं नरो वि भरन्ते गृहेगृहे ।
अग्निर्दतो अभवद्धव्यवाहनोऽग्निं वृणाना वृणते कविक्रतुम् ॥ ५.०११.०४
तुभ्येदमग्ने मधुमत्तमं वचस्तुभ्यं मनीषा इयमस्तु शं हृदे ।
त्वां गिरः सिन्धुमिवावनीर्महीरा पृणन्ति शवसा वर्धयन्ति च ॥ ५.०११.०५
त्वामग्ने अङ्गिरसो गुहा हितमन्वविन्दच्छिश्रियाणं वनेवने ।
स जायसे मथ्यमानः सहो महत्त्वामाहुः सहसस्पुत्रमङ्गिरः ॥ ५.०११.०६

प्राग्रये बृहते यज्ञियाय ऋतस्य वृष्णे असुराय मन्म ।
 घृतं न यज्ञ आस्ये३ सुपूतं गिरं भरे वृषभाय प्रतीचीम् ॥ ५.०१२.०१
 ऋतं चिकित्व ऋतमिच्चिकिञ्च्युतस्य धारा अनु तृन्धि पूर्वीः ।
 नाहं यातुं सहसा न द्वयेन ऋतं सपाम्यरुषस्य वृष्णः ॥ ५.०१२.०२
 कया नो अग्र ऋतयन्नृतेन भुवो नवेदा उचथस्य नव्यः ।
 वेदा मे देव ऋतुपा ऋतूनां नाहं पतिं सनितुरस्य रायः ॥ ५.०१२.०३
 के ते अग्ने रिपवे बन्धनासः के पायवः सनिषन्त द्युमन्तः ।
 के धासिमग्ने अनृतस्य पान्ति क आसतो वचसः सन्ति गोपाः ॥ ५.०१२.०४
 सखायस्ते विषुणा अग्र एते शिवासः सन्तो अशिवा अभूवन् ।
 अधूर्षत स्वयमेते वचोभिर्ऋजूयते वृजिनानि ब्रुवन्तः ॥ ५.०१२.०५
 यस्ते अग्ने नमसा यज्ञमीदृ ऋतं स पात्यरुषस्य वृष्णः ।
 तस्य क्षयः पृथुरा साधुरेतु प्रसस्त्राणस्य नहुषस्य शेषः ॥ ५.०१२.०६
 अचन्तस्त्वा हवामहेऽचन्तः समिधीमहि ।
 अग्ने अचन्त ऊतये ॥ ५.०१३.०१
 अग्नेः स्तोमं मनामहे सिध्रमद्य दिविस्पृशः ।
 देवस्य द्रविणस्यवः ॥ ५.०१३.०२
 अग्निर्जुषत नो गिरो होता यो मानुषेष्व्वा ।
 स यक्षद्वैव्यं जनम् ॥ ५.०१३.०३
 त्वमग्ने सप्रथा असि जुष्टो होता वरेण्यः ।
 त्वया यज्ञं वि तन्वते ॥ ५.०१३.०४
 त्वामग्ने वाजसातमं विप्रा वर्धन्ति सुष्टुतम् ।
 स नो रास्व सुवीर्यम् ॥ ५.०१३.०५
 अग्ने नेमिराँ इव देवाँस्त्वं परिभूरसि ।
 आ राधश्चित्रमृञ्जसे ॥ ५.०१३.०६
 अग्निं स्तोमेन बोधय समिधानो अमर्त्यम् ।
 हव्या देवेषु नो दधत् ॥ ५.०१४.०१
 तमध्वरेष्वीळते देवं मर्ता अमर्त्यम् ।

यजिष्ठं मानुषे जने ॥ ५.०१४.०२

तं हि शश्वन्त ईळते सूचा देवं घृतश्रुता ।

अग्निं हव्याय वोळ्क्वे ॥ ५.०१४.०३

अग्निर्जातो अरोचत घ्नन्दस्युञ्ज्योतिषा तमः ।

अविन्दद्वा अपः स्वः ॥ ५.०१४.०४

अग्निमीळैन्य कविं घृतपृष्ठं सपर्यत ।

वेतु मे शृणवद्धवम् ॥ ५.०१४.०५

अग्निं घृतेन वावृधुः स्तोमैर्भिर्विश्वचर्षणिम् ।

स्वाधीभिर्वचस्युभिः ॥ ५.०१४.०६

प्र वेधसे कवये वेद्याय गिरं भरे यशसे पूर्वाय ।

घृतप्रसक्तो असुरः सुशेवो रायो धर्ता धरुणो वस्वो अग्निः ॥ ५.०१५.०१

ऋतेन ऋतं धरुणं धारयन्त यज्ञस्य शाके परमे व्योमन् ।

दिवो धर्मन्धरुणे सेदुषो नृञ्जातैरजाताँ अभि ये ननक्षुः ॥ ५.०१५.०२

अङ्घ्र्युवस्तन्वस्तन्वते वि वयो महद्दुष्टरं पूर्वाय ।

स संवतो नवजातस्तुतुर्यात्सिङ्घं न क्रुद्धमभितः परि षुः ॥ ५.०१५.०३

मातेव यद्भरसे पप्रथानो जनंजनं धायसे चक्षसे च ।

वयोवयो जरसे यद्दधानः परि त्मना विषुरूपो जिगासि ॥ ५.०१५.०४

वाजो नु ते शवसस्पात्वन्तमुरुं दोषं धरुणं देव रायः ।

पदं न तायुर्गुहा दधानो महो राये चितयन्नत्रिमस्पः ॥ ५.०१५.०५

बृहद्वयो हि भानवेऽर्चा देवायाग्नये ।

यं मित्रं न प्रशस्तिभिर्मर्तासो दधिरे पुरः ॥ ५.०१६.०१

स हि द्युभिर्जनानां होता दक्षस्य बाह्वोः ।

वि हव्यमग्निरानुषग्भगो न वारमृण्वति ॥ ५.०१६.०२

अस्य स्तोमे मघोनः सख्ये वृद्धशोचिषः ।

विश्वा यस्मिन्तुविष्वणि समर्ये शुष्ममादधुः ॥ ५.०१६.०३

अधा ह्यग्न एषां सुवीर्यस्य मंहना ।

तमिद्यहं न रोदसी परि श्रवो बभूवतुः ॥ ५.०१६.०४

नू न एहि वार्यमग्ने गृणान आ भर ।
 ये वयं ये च सूरयः स्वस्ति धामहे सचोतैधि पृत्सु नो वृधे ॥ ५.०१६.०५
 आ यज्ञैर्देव मर्त्य इत्था तव्यांसमृतये ।
 अग्निं कृते स्वध्वरे पूरुरीळीतावसे ॥ ५.०१७.०१
 अस्य हि स्वयशस्तर आसा विधर्मन्मन्यसे ।
 तं नाकं चित्रशोचिषं मन्द्रं परो मनीषया ॥ ५.०१७.०२
 अस्य वासा उ अर्चिषा य आयुक्त तुजा गिरा ।
 दिवो न यस्य रेतसा बृहच्छोचन्त्यर्चयः ॥ ५.०१७.०३
 अस्य ऋत्वा विचेतसो दस्मस्य वसु रथ आ ।
 अधा विश्वासु हव्योऽग्निर्विक्षु प्र शस्यते ॥ ५.०१७.०४
 नू न इद्धि वार्यमासा सचन्त सूरयः ।
 ऊर्जा नपादभिष्टये पाहि शग्धि स्वस्तय उतैधि पृत्सु नो वृधे ॥ ५.०१७.०५
 प्रातरग्निः पुरुप्रियो विशः स्तवेतातिथिः ।
 विश्वानि यो अमर्त्यो हव्या मर्तेषु रण्यति ॥ ५.०१८.०१
 द्विताय मृक्तवाहसे स्वस्य दक्षस्य मंहना ।
 इन्दुं स धत्त आनुषक्स्तोता चित्ते अमर्त्य ॥ ५.०१८.०२
 तं वो दीर्घायुशोचिषं गिरा हुवे मघोनाम् ।
 अरिष्टो येषां रथो व्यश्वदावन्नीयते ॥ ५.०१८.०३
 चित्रा वा येषु दीधितिरासन्नृक्था पान्ति ये ।
 स्तीर्णं बर्हिः स्वर्णरे श्रवासि दधिरे परि ॥ ५.०१८.०४
 ये मे पञ्चाशतं ददुरश्वानां सधस्तुति ।
 द्युमदग्ने महि श्रवो बृहत्कृधि मघोनां नृवदमृत नृणाम् ॥ ५.०१८.०५
 अभ्यवस्थाः प्र जायन्ते प्र वव्रेर्वत्रिश्चिकेत ।
 उपस्थे मातुर्वि चष्टे ॥ ५.०१९.०१
 जुहुरे वि चितयन्तोऽनिमिषं नृम्णां पान्ति ।
 आ दृव्हां पुरं विविशुः ॥ ५.०१९.०२
 आ श्वेत्रेयस्य जन्तवो द्युमद्वर्धन्त कृष्टयः ।

निष्क॒शी॒वो बृ॒हदु॒क्थ ए॒ना म॒ध्वा न वा॒ज॒युः ॥ ५.०१९.०३
प्रि॒यं दु॒ग्धं न का॒म्यम॒जामि जा॒म्योः स॒चा ।
घ॒र्मो न वा॒ज॒ज॒ठरोऽद॒ब्धः श॒श्वतो॑ द॒भः ॥ ५.०१९.०४
क्री॒ळ॒न्नो र॒श्म आ भु॒वः सं भ॒स्मना॒ वा॒युना॒ वे॒वि॒दानः ।
ता अ॒स्य स॒न्धृष॒जो न ति॒ग्माः सु॒स॒शिता॒ व॒क्ष्यो व॒क्षणे॒स्थाः ॥ ५.०१९.०५
यम॒ग्ने वा॒जसा॒तम॒ त्वं चि॒न्म॒न्यसे॑ र॒यिम् ।
तं नो गी॒र्भिः श्र॒वाय्यं॑ दे॒वत्रा॑ प॒नया॒ यु॒जम् ॥ ५.०२०.०१
ये अ॒ग्ने ने॒रय॑न्ति ते वृ॒द्धा उ॒ग्रस्य॑ श॒वसः॑ ।
अप॒ द्वेषो॑ अप॒ ह॒रोऽन्य॑व्र॒तस्य॑ स॒श्चिरे ॥ ५.०२०.०२
हो॒तारं॑ त्वा वृ॒णीम॒हेऽग्ने॑ द॒क्षस्य॑ सा॒धन॒म् ।
य॒ज्ञेषु॑ पू॒र्वं गि॒रा प्र॒यस्व॑न्तो ह॒वाम॒हे ॥ ५.०२०.०३
इ॒त्था यथा॑ त ऊ॒तये॑ स॒हसा॑व॒न्दि॒वे॒दिवे॑ ।
रा॒य ऋ॒ताय॑ सु॒क्रतो॑ गो॒भिः प्या॒म स॒ध॒मादो॑ वी॒रैः स्या॑म स॒ध॒मादः ॥ ५.०२०.०४
मनु॒ष्वत्त्वा॑ नि धी॒महि॑ मनु॒ष्वत्स॒मिधी॑महि ।
अ॒ग्ने मनु॒ष्वद॑ङ्गि॒रो दे॒वान्दे॒वय॑ते य॒ज ॥ ५.०२१.०१
त्वं हि॑ मा॒नुषे॑ जनेऽ॒ग्ने सु॒प्रीत॑ इ॒ध्यसे॑ ।
सु॒च॒स्त्वा य॒न्त्यानु॑ष॒क्सुजा॑त॒ सर्पि॑रा॒सुते ॥ ५.०२१.०२
त्वां वि॒श्वे स॒जोप॑सो दे॒वासो॑ दू॒तम॑क॒त ।
स॒पर्य॑न्त॒स्त्वा क॒वे य॒ज्ञेषु॑ दे॒वमी॑ळते ॥ ५.०२१.०३
दे॒वं वो॑ दे॒वय॑ज्यया॒ग्निमी॑ळी॒त म॒र्त्यः ।
स॒मिद्धः॑ शु॒क्र दी॑दि॒हृत॑स्य॒ योनि॑मा॒सदः॒ स॒सस्य॑ योनि॒मास॑दः ॥ ५.०२१.०४
प्र वि॒श्वसाम॑न्न॒त्रिव॑दर्चा॒ पाव॑कशौचि॒षे ।
यो अ॒ध्वरे॑ष्वी॒ड्यो हो॒ता म॒न्द्रत॑मो वि॒शि ॥ ५.०२२.०१
न्य॑श्॒ग्निं जा॑तवे॒दसं॑ दधा॒ता दे॒वमृ॑त्वि॒जम् ।
प्र य॒ज्ञ ए॒त्वानु॑ष॒गद्या॑ दे॒वव्य॑च॒स्तमः ॥ ५.०२२.०२
चि॒कि॒त्वि॒न्मन॑सं॒ त्वा दे॒वं म॒तास॑ ऊ॒तये॑ ।
व॒रेण्य॑स्य॒ तेऽव॑स॒ इया॑ना॒सो अ॒मन्म॑हि ॥ ५.०२२.०३

अग्ने चिकिद्ध्यस्य न इदं वचः सहस्य ।
 तं त्वा सुशिप्र दम्पते स्तोमैर्वर्धन्त्यत्रयो गीर्भिः शुम्भन्त्यत्रयः ॥ ५.०२२.०४
 अग्ने सहन्तमा भर द्युमस्य प्रासहा रयिम् ।
 विश्वा यश्चर्षणीरभ्यासा वाजेषु सासहत् ॥ ५.०२३.०१
 तमग्ने पृतनापहं रयिं सहस्व आ भर ।
 त्वं हि सत्यो अद्भुतो दाता वाजस्य गोमतः ॥ ५.०२३.०२
 विश्वे हि त्वा सजोषसो जनासो वृक्तबर्हिषः ।
 होतारं सद्यसु प्रियं व्यन्ति वार्या पुरु ॥ ५.०२३.०३
 स हि ष्मा विश्वचर्षणिरभिमाति सहो दधे ।
 अग्न एषु क्षयेष्वा रेवन्नः शुक्र दीदिहि द्युमत्पावक दीदिहि ॥ ५.०२३.०४
 अग्ने त्वं नो अन्तम उत त्राता शिवो भवा वरूथ्यः ॥ ५.०२४.०१
 वसुरग्निर्वसुश्रवा अच्छा नक्षि द्युमत्तमं रयिं दाः ॥ ५.०२४.०२
 स नो बोधि श्रुधी हवमुरुष्या णो अघायतः समस्मात् ॥ ५.०२४.०३
 तं त्वा शोचिष्ठ दीदिवः सुम्राय नूनमीमहे सखिभ्यः ॥ ५.०२४.०४
 अच्छा वो अग्निमवसे देवं गासि स नो वसुः ।
 रासत्पुत्र ऋषूणामृतावा पर्षति द्विषः ॥ ५.०२५.०१
 स हि सत्यो यं पूर्वं चिद्देवासश्चिद्यमीधिरे ।
 होतारं मन्द्रजिह्वमित्सुदीतिभिर्विभावसुम् ॥ ५.०२५.०२
 स नो धीती वरिष्ठया श्रेष्ठया च सुमत्या ।
 अग्ने रायो दिदीहि नः सुवृक्तिभिर्वरेण्य ॥ ५.०२५.०३
 अग्निर्देवेषु राजत्यग्निर्मतेष्वाविशन् ।
 अग्निर्नो हव्यवाहनोऽग्निं धीभिः सपर्यत ॥ ५.०२५.०४
 अग्निस्तुविश्रवस्तमं तुविब्रह्माणमुत्तमम् ।
 अतूर्तं श्रावयत्यतिं पुत्रं ददाति दाशुषे ॥ ५.०२५.०५
 अग्निर्ददाति सत्यतिं सासाह यो युधा नृभिः ।
 अग्निरत्यं रघुष्यदं जेतारमपराजितम् ॥ ५.०२५.०६
 यद्वाहिष्ठं तदग्रये बृहदचं विभावसो ।

महिषीव त्वद्रयिस्त्वद्वाजा उदीरते ॥ ५.०२५.०७
तव द्युमन्तो अर्चयो ग्रावेवोच्यते बृहत् ।
उतो ते तन्यतुर्यथा स्वानो अर्तं त्मना दिवः ॥ ५.०२५.०८
एवाँ अग्निं वसूयवः सहसानं ववन्दिम ।
स नो विश्वा अति द्विषः पर्षन्नावेव सुक्रतुः ॥ ५.०२५.०९
अग्ने पावक रोचिषा मन्द्रया देव जिह्वया ।
आ देवान्वक्षि यक्षि च ॥ ५.०२६.०१
तं त्वा घृतस्रवीमहे चित्रभानो स्वर्दशम् ।
देवाँ आ वीतये वह ॥ ५.०२६.०२
वीतिहोत्रं त्वा कवे द्युमन्तं समिधीमहि ।
अग्ने बृहन्तमध्वरे ॥ ५.०२६.०३
अग्ने विश्वेभिरा गहि देवेभिर्हव्यदातये ।
होतारं त्वा वृणीमहे ॥ ५.०२६.०४
यजमानाय सुन्वत आग्ने सुवीर्यं वह ।
देवैरा सत्सि बर्हिषि ॥ ५.०२६.०५
समिधानः सहस्रजिदग्ने धर्माणि पुष्यसि ।
देवानां दूत उक्थ्यः ॥ ५.०२६.०६
न्यशग्निं जातवेदसं होत्रवाहं यविष्मम् ।
दधाता देवमृत्विजम् ॥ ५.०२६.०७
प्र यज्ञ एत्वानुपगद्या देवव्यचस्तमः ।
स्तुणीत बर्हिरासदे ॥ ५.०२६.०८
एदं मरुतो अश्विना मित्रः सीदन्तु वरुणः ।
देवासः सर्वया विशा ॥ ५.०२६.०९
अनस्वन्ता सत्पतिर्मांमहे मे गावा चेतिष्ठो असुरो मघोनः ।
त्रैवृष्णो अग्ने दशभिः सहस्रैर्वैश्वानर त्र्यरुणश्चिकेत ॥ ५.०२७.०१
यो मे शता च विंशतिं च गोनां हरी च युक्ता सुधुरा ददाति ।
वैश्वानर सुष्टुतो वावृधानोऽग्ने यच्छ त्र्यरुणाय शर्म ॥ ५.०२७.०२

ए॒वा ते॑ अ॒ग्ने सु॒मतिं॑ च॒कानो॑ न॒विष्टाय॑ न॒वमं॑ त्र॒सद॑स्युः ।
 यो मे॑ गि॒रस्तु॑वि॒जात॑स्य॒ पूर्वीर्यु॑क्तेनाभि त्र्य॒रुणो॑ गृणाति ॥ ५.०२७.०३
 यो म॑ इति प्र॒वोच॑त्य॒श्वमे॑धाय॒ सूरये॑ ।
 दद॑दृ॒चा स॒निं य॒ते दद॑न्मे॒धामृ॑ताय॒ते ॥ ५.०२७.०४
 यस्य॑ मा प॒रुषाः॑ श॒तमु॒द्धर्ष॑यन्त्यु॒क्षणः॑ ।
 अ॒श्वमे॑धस्य॒ दानाः॑ सोमा॒ इव॑ त्र्या॒शिरः॑ ॥ ५.०२७.०५
 इन्द्रा॑ग्नी श॒तदा॒व्यश्व॑मे॒धे सु॒वीर्य॑म् ।
 क्षत्रं॑ धारयतं बृ॒हद्वि॑वि॒ सूर्य॑मिवा॒जरम्॑ ॥ ५.०२७.०६
 समि॑द्धो अ॒ग्निर्दिवि॑ शो॒चिर॑श्चे॒त्प्रत्यङ्मु॑षसमु॒र्विया॑ वि भाति ।
 एति॑ प्रा॒ची वि॒श्ववारा॑ नमोभि॒र्देवाँ॑ ई॒ळाना॑ ह॒विषा॑ घृ॒ताची॑ ॥ ५.०२८.०१
 समि॑ध्यमानो अ॒मृत॑स्य॒ राज॑सि ह॒विष्कृ॑ण्वन्त॒ सच॑से स्व॒स्तये॑ ।
 विश्वं॑ स धत्ते द्र॒विणं॑ यमि॒न्वस्याति॑थ्यम॒ग्ने नि च॑ धत्त॒ इत्पुरः॑ ॥ ५.०२८.०२
 अ॒ग्ने श॒र्धं म॒हते॑ सौभगाय॒ तव॑ द्यु॒मन्यु॑त्त॒मानि॑ सन्तु ।
 सं जा॑स्पत्यं सु॒यम॑मा कृ॒णुष्व॑ शत्रू॒यता॑मभि ति॒ष्ठा म॒हासि॑ ॥ ५.०२८.०३
 समि॑द्धस्य॒ प्रम॑हसोऽ॒ग्ने वन्दे॑ तव श्रियम् ।
 वृष॑भो द्यु॒मनवाँ॑ अ॒सि स॒मध्व॑रेष्वि॒ध्यसे॑ ॥ ५.०२८.०४
 समि॑द्धो अ॒ग्न आ॒हुत॑ दे॒वान्य॑क्षि स्व॒ध्वर॑ ।
 त्वं हि॑ ह॒व्यवा॑ळसि ॥ ५.०२८.०५
 आ जु॑होता दु॒वस्य॑ताग्निं प्र॒यत्य॑ध्वरे ।
 वृ॒णीध्वं॑ ह॒व्यवा॑हनम् ॥ ५.०२८.०६
 त्र्य॒र्यमा॑ मनुषो दे॒वता॑ता त्री रो॒चना॑ दि॒व्या धा॑रयन्त ।
 अ॒र्चन्ति॑ त्वा म॒रुतः॑ पू॒तद॑क्षास्त्वमे॒षामृ॑षि॒रिन्द्रा॑सि धीरः ॥ ५.०२९.०१
 अनु॑ यदीं म॒रुतो॑ म॒न्दसान॑मार्च॒न्निन्द्रं॑ प॒पिवांसं॑ सु॒तस्य॑ ।
 आ॒दत्त॑ व॒ज्रम॑भि यदहिं ह॒न्नपो॑ य॒ह्वीर॑सृ॒जत्स॑र्त॒वा उ॑ ॥ ५.०२९.०२
 उ॒त ब्र॑ह्माणो म॒रुतो॑ मे अ॒स्येन्द्रः॑ सोम॒स्य सु॑षु॒तस्य॑ पे॒याः ।
 तद्धि॑ ह॒व्यं म॒नुषे॑ गा अ॒विन्द॑दह॒न्नहिं॑ प॒पिवाँ॑ इन्द्रो अस्य ॥ ५.०२९.०३
 आ॒द्रोद॑सी वि॒तरं॑ वि ष्क॒भाय॑त्संवि॒व्यान्श्चि॒द्वियसे॑ मृ॒गं कः॑ ।

जिगर्तिमिन्द्रो अपजगुराणः प्रति श्वसन्तमव दानवं हन् ॥ ५.०२९.०४
अध ऋत्वा मघवन्तुभ्य देवा अनु विश्वे अददुः सोमपेयम् ।
यत्सूर्यस्य हरितः पतन्तीः पुरः सतीरुपरा एतशे कः ॥ ५.०२९.०५
नव यदस्य नवतिं च भोगान्साकं वज्रेण मघवा विवृश्चत् ।
अर्चन्तीन्द्र मरुतः सधस्थे त्रैष्टुभेन वचसा बाधत द्याम् ॥ ५.०२९.०६
सखा सख्ये अपचत्तूयमग्निरस्य ऋत्वा महिषा त्री शतानि ।
त्री साकमिन्द्रो मनुषः सरासि सुतं पिबद्वृत्रहत्याय सोमम् ॥ ५.०२९.०७
त्री यच्छता महिषाणामघो मास्त्री सरासि मघवा सोम्यापाः ।
कारं न विश्वे अह्वन्त देवा भरमिन्द्राय यदहि जघान ॥ ५.०२९.०८
उशना यत्सहस्यैश्शरयातं गृहमिन्द्र जूजुवानेभिरश्वैः ।
वन्वानो अत्र सरथं ययाथ कुत्सेन देवैरवनोर्हं शुष्णम् ॥ ५.०२९.०९
प्रान्यच्चक्रमवृहः सूर्यस्य कुत्सायान्यद्वरिवो यातवेऽकः ।
अनासो दस्यूरमृणो वधेन नि दुर्योण आवृणङ्गधवाचः ॥ ५.०२९.१०
स्तोमासस्त्वा गौरिवीतेरवर्धन्नरन्धयो वैदथिनाय पिप्रुम् ।
आ त्वामृजिश्वा सख्याय चक्रे पचन्पक्तीरपिबः सोममस्य ॥ ५.०२९.११
नवग्वासः सुतसोमास इन्द्रं दशग्वासो अभ्यर्चन्त्यर्कैः ।
गव्यं चिदूर्वमपिधानवन्तं तं चित्ररः शशमाना अप व्रन् ॥ ५.०२९.१२
कथो नु ते परि चराणि विद्वान्वीर्या मघवन्या चकथं ।
या चो नु नव्या कृणवः शविष्ठ प्रेदु ता ते विदथेषु ब्रवाम ॥ ५.०२९.१३
एता विश्वा चकृवाँ इन्द्र भूर्यपरीतो जनुषा वीर्येण ।
या चिन्नु वञ्चिन्कृणवो दधृष्वान्न ते वर्ता तविष्या अस्ति तस्याः ॥ ५.०२९.१४
इन्द्र ब्रह्म क्रियमाणा जुषस्व या ते शविष्ठ नव्या अकर्म ।
वस्त्रेव भद्रा सुकृता वसूयू रथं न धीरः स्वपा अतक्षम् ॥ ५.०२९.१५
क्वस्य वीरः को अपश्यदिन्द्र सुखरथमीयमानं हरिभ्याम् ।
यो राया वञ्ची सुतसोममिच्छन्तदोको गन्ता पुरुहूत ऊती ॥ ५.०३०.०१
अवाचचक्षं पदमस्य सस्वरुग्रं निधातुरन्वायमिच्छन् ।
अपृच्छमन्याँ उत ते म आहुरिन्द्रं नरो बुबुधाना अशेम ॥ ५.०३०.०२

प्र नु वयं सुते या ते कृतानीन्द्र ब्रवाम यानि नो जुजोषः ।
 वेददविद्वान्छृणवच्च विद्वान्वहतेऽयं मघवा सर्वसेनः ॥ ५.०३०.०३
 स्थिरं मनश्चकृषे जात इन्द्र वेषीदेको युधये भूयसश्चित् ।
 अश्मानं चिच्छवसा दिद्युतो वि विदो गवामूर्वमुस्त्रियाणाम् ॥ ५.०३०.०४
 परो यत्त्वं परम आजनिष्ठाः परावति श्रुत्यं नाम बिभ्रत् ।
 अतश्चिदिन्द्रादभयन्त देवा विश्वा अपो अजयद्वासपत्नीः ॥ ५.०३०.०५
 तुभ्येदेते मरुतः सुशेवा अर्चन्त्यर्कं सुन्वन्त्यन्धः ।
 अहिमोहानमप आशयानं प्र मायाभिर्मायिनं सक्षदिन्द्रः ॥ ५.०३०.०६
 वि पू मृधो जनुषा दानमिन्वन्नहन्वावा मघवन्संचकानः ।
 अत्रा दासस्य नमुचेः शिरो यदवर्तयो मनवे गातुमिच्छन् ॥ ५.०३०.०७
 युजं हि मामकृथा आदिदिन्द्र शिरो दासस्य नमुचेर्मथायन् ।
 अश्मानं चित्स्वर्यं वर्तमानं प्र चक्रियेव रोदसी मरुद्भ्यः ॥ ५.०३०.०८
 स्त्रियो हि दास आयुधानि चक्रे किं मा करन्नबला अस्य सेनाः ।
 अन्तर्हर्ष्यदुभे अस्य धेने अथोप प्रैद्युधये दस्युमिन्द्रः ॥ ५.०३०.०९
 समत्र गावोऽभितोऽनवन्तेहेह वत्सैर्वियुता यदासन् ।
 सं ता इन्द्रो असृजदस्य शाकैर्यदीं सोमासः सुषुता अमन्दन् ॥ ५.०३०.१०
 यदीं सोमा बभ्रुधूता अमन्दन्नरोरवीद्वृषभः सादनेषु ।
 पुरंदरः पपिवाँ इन्द्रो अस्य पुनर्गवामददादुस्त्रियाणाम् ॥ ५.०३०.११
 भद्रमिदं रुशमा अग्ने अक्रन्वावा चत्वारि ददतः सहस्रा ।
 ऋणंचयस्य प्रयता मघानि प्रत्यग्रभीष्म नृतमस्य नृणाम् ॥ ५.०३०.१२
 सुपेशसं माव सृजन्त्यस्तं गवां सहस्रै रुशमासो अग्ने ।
 तीव्रा इन्द्रमममन्दुः सुतासोऽक्तोव्युष्टौ परितक्यायाः ॥ ५.०३०.१३
 औच्छ्रत्सा रात्री परितक्या याँ ऋणंचये राजनि रुशमानाम् ।
 अत्यो न वाजी रघुरज्यमानो बभ्रुश्चत्वार्यसनत्सहस्रा ॥ ५.०३०.१४
 चतुःसहस्रं गव्यस्य पश्वः प्रत्यग्रभीष्म रुशमेष्वग्ने ।
 घर्मश्चित्तप्तः प्रवृजे य आसीदयस्मयस्तम्वादाम विप्राः ॥ ५.०३०.१५
 इन्द्रो रथाय प्रवतं कृणोति यमध्यस्थान्मघवा वाजयन्तम् ।

यूथेव पश्वो व्युनोति गोपा अरिष्टो याति प्रथमः सिषासन् ॥ ५.०३१.०१
आ प्र द्रव हरिवो मा वि वेनः पिशङ्गराते अभि नः सचस्व ।
नहि त्वदिन्द्र वस्यो अन्यदस्त्यमेनाँश्चिञ्जनिवतश्चकथ ॥ ५.०३१.०२
उद्यत्सहः सहस आजनिष्ट देदिष्ट इन्द्र इन्द्रियाणि विश्वा ।
प्राचोदयत्सुदुधा वत्रे अन्तर्वि ज्योतिषा संववृत्वत्तमोऽवः ॥ ५.०३१.०३
अनवस्ते रथमश्वाय तक्षन्त्वष्टा वज्र पुरुहूत द्युमन्तम् ।
ब्रह्माण इन्द्र महयन्तो अर्कैरवर्धयन्नहये हन्तवा उ ॥ ५.०३१.०४
वृष्णे यत्ते वृषणो अर्कमर्चानिन्द्र ग्रावाणो अदितिः सजोषाः ।
अनश्वसो ये पवयोऽरथा इन्द्रेषिता अभ्यवर्तन्त दस्यून् ॥ ५.०३१.०५
प्र ते पूर्वाणि करणानि वोचं प्र नूतना मघवन्या चकथ ।
शक्तीवो यद्विभरा रोदसी उभे जयन्नपो मनवे दानुचित्राः ॥ ५.०३१.०६
तदिन्नु ते करणं दस्म विप्राहिं यद्भन्नोजो अत्रामिमीथाः ।
शुष्णस्य चित्परि माया अगृभ्णाः प्रपित्वं यन्नप दस्यूरसेधः ॥ ५.०३१.०७
त्वमपो यदवे तुर्वशायारमयः सुदुधाः पार इन्द्र ।
उग्रमयातमवहो ह कुत्सं सं ह यद्वामुशनारन्त देवाः ॥ ५.०३१.०८
इन्द्राकुत्सा वहमाना रथेना वामत्या अपि कर्णे वहन्तु ।
निः षीमद्भ्यो धमथो निः षधस्थान्मघोनो हृदो वरथस्तमांसि ॥ ५.०३१.०९
वातस्य युक्तान्सुयुजश्चिदश्वान्कविश्चिदेषो अजगन्नवस्युः ।
विश्वे ते अत्र मरुतः सखाय इन्द्र ब्रह्माणि तविषीमवर्धन् ॥ ५.०३१.१०
सूरश्चिद्रथं परितक्यायां पूर्वं करदुपरं जूजुवांसम् ।
भरच्चक्रमेतशः सं रिणाति पुरो दधत्सनिष्यति क्रतुं नः ॥ ५.०३१.११
आयं जना अभिचक्षे जगामेन्द्रः सखायं सुतसोममिच्छन् ।
वदन्प्रावाव वेदिं भ्रियाते यस्य जीरमध्वर्यवश्चरन्ति ॥ ५.०३१.१२
ये चाकनन्त चाकनन्त नू ते मर्ता अमृत मो ते अंह आरन् ।
वावन्धि यज्यूरुत तेषु धेह्योजो जनेषु तेषु ते स्याम ॥ ५.०३१.१३
अदर्दरुत्समसृजो वि खानि त्वमर्णवान्बद्धानाँ अरम्णाः ।
महान्तमिन्द्र पर्वतं वि यद्वः सृजो वि धारा अव दानवं हन् ॥ ५.०३२.०१

त्वमुत्सां ऋतुभिर्वद्वधानां अरंह ऊधः पर्वतस्य वज्रिन् ।
 अहिं चिदुग्र प्रयुतं शयानं जघन्वां इन्द्र तविषीमधत्थाः ॥ ५.०३२.०२
 त्यस्य चिन्महतो निर्मृगस्य वधर्जघान तविषीभिरिन्द्रः ।
 य एक इदप्रतिर्मन्यमान आदस्मादन्यो अजनिष्ट तव्यान् ॥ ५.०३२.०३
 त्यं चिदेषां स्वधया मदन्तं मिहो नपातं सुवृध तमोगाम् ।
 वृषप्रभर्मा दानवस्य भामं वज्रेण वज्री नि जघान शुष्णम् ॥ ५.०३२.०४
 त्यं चिदस्य ऋतुभिर्निषत्तममर्मणो विददिदस्य मर्म ।
 यदी सुक्षत्र प्रभृता मदस्य युयुत्सन्तं तमसि हर्म्ये धाः ॥ ५.०३२.०५
 त्यं चिदित्था कल्पयं शयानमसूर्ये तमसि वावृधानम् ।
 तं चिन्मन्दानो वृषभः सुतस्योच्चैरिन्द्रो अपगूर्या जघान ॥ ५.०३२.०६
 उद्यदिन्द्रो महते दानवाय वधर्यमिष्ट सहो अप्रतीतम् ।
 यदी वज्रस्य प्रभृतौ ददाभ विश्वस्य जन्तोरधमं चकार ॥ ५.०३२.०७
 त्यं चिदणं मधुपं शयानमसिन्वं वज्रं मह्याददुग्रः ।
 अपादमत्रं महता वधेन नि दुर्योण आवृणङ्गध्रवाचम् ॥ ५.०३२.०८
 को अस्य शुष्मं तविषीं वरात एको धना भरते अप्रतीतः ।
 इमे चिदस्य ज्रयसो नु देवी इन्द्रस्यौजसो भियसा जिहाते ॥ ५.०३२.०९
 न्यस्मै देवी स्वधितिर्जिहीत इन्द्राय गातुरुशतीव येमे ।
 सं यदोजो युवते विश्वमाभिरनु स्वधात्रे क्षितयो नमन्त ॥ ५.०३२.१०
 एकं नु त्वा सत्पतिं पाञ्चजन्यं जातं शृणोमि यशसं जनेषु ।
 तं मे जगृभ आशसो नविष्टं दोषा वस्तोर्हवमानास इन्द्रम् ॥ ५.०३२.११
 एवा हि त्वामृतुथा यातयन्तं मघा विप्रेभ्यो ददतं शृणोमि ।
 किं ते ब्रह्माणो गृहते सखायो ये त्वाया निदधुः काममिन्द्र ॥ ५.०३२.१२
 महिं महे तवसे दीध्ये नृनिन्द्रायेत्था तवसे अतव्यान् ।
 यो अस्मै सुमतिं वाजसातौ स्तुतो जने समर्यश्चिकेत ॥ ५.०३३.०१
 स त्वं न इन्द्र धियसानो अर्केर्हरीणां वृषन्योक्रमश्रेः ।
 या इत्था मघवन्ननु जोषं वक्षो अभि प्रार्यः सक्षि जनान् ॥ ५.०३३.०२
 न ते त इन्द्राभ्यश्मदृष्वायुक्तासो अब्रह्मता यदसन् ।

तिष्ठा रथमधि तं वज्रहस्ता रश्मिं देव यमसे स्वश्वः ॥ ५.०३३.०३
 पुरू यत्त इन्द्र सन्त्युक्था गवे चकर्थोर्वरासु युध्यन् ।
 ततक्षे सूर्याय चिदोकसि स्वे वृषा समत्सु दासस्य नाम चित् ॥ ५.०३३.०४
 वयं ते त इन्द्र ये च नरः शर्धो जज्ञाना याताश्च रथाः ।
 आस्माञ्जगम्यादहिशुष्म सत्वा भगो न हव्यः प्रभृथेषु चारुः ॥ ५.०३३.०५
 पपृक्षेण्यमिन्द्र त्वे ह्योजो नृम्णानि च नृतमानो अमर्तः ।
 स न एनी वसवानो रयिं दाः प्रार्यः स्तुषे तुविमघस्य दानम् ॥ ५.०३३.०६
 एवा न इन्द्रोतिभिरव पाहि गृणतः शूर कारून् ।
 उत त्वचं ददतो वाजसातौ पिप्रीहि मध्वः सुषुतस्य चारोः ॥ ५.०३३.०७
 उत त्ये मा पौरुकुत्स्यस्य सुरेस्त्रसदस्योर्हिरणिनो रराणाः ।
 वहन्तु मा दश श्येतासो अस्य गैरिक्षितस्य ऋतुभिर्नु सश्वे ॥ ५.०३३.०८
 उत त्ये मा मारुताश्वस्य शोणाः ऋत्वामघासो विदथस्य रातौ ।
 सहस्रा मे च्यवतानो ददान आनूकमर्यो वपुषे नार्चत् ॥ ५.०३३.०९
 उत त्ये मा ध्वन्यस्य जुष्टा लक्ष्मण्यस्य सुरुचो यतानाः ।
 महा रायः संवरणस्य ऋषेर्व्रजं न गावः प्रयता अपि गमन् ॥ ५.०३३.१०
 अजातशत्रुमजरा स्वर्वत्यनु स्वधामिता दस्ममीयते ।
 सुनोतन पचत ब्रह्मवाहसे पुरुष्टुताय प्रतरं दधातन ॥ ५.०३४.०१
 आ यः सोमेन जठरमपिप्रतामन्दत मघवा मध्वो अन्धसः ।
 यदी मृगाय हन्तवे महावधः सहस्रभृष्टिमुशना वधं यमत् ॥ ५.०३४.०२
 यो अस्मै ग्रंस उत वा य ऊधनि सोमं सुनोति भवति द्युमाँ अह ।
 अपाप शक्रस्ततनुष्टिमूहति तनूशुभ्रं मघवा यः कवासखः ॥ ५.०३४.०३
 यस्यावधीत्पितरं यस्य मातरं यस्य शक्रो भ्रातरं नात ईषते ।
 वेतीद्वस्य प्रयता यतंकरो न किल्बिषादीषते वस्व आकरः ॥ ५.०३४.०४
 न पञ्चभिर्दशभिर्वष्टारभं नासुन्वता सचते पुष्यता चन ।
 जिनाति वेदमुया हन्ति वा धुनिरा देवयुं भजति गोमति ब्रजे ॥ ५.०३४.०५
 वित्वक्षणः समृतौ चक्रमासजोऽसुन्वतो विषुणः सुन्वतो वृधः ।
 इन्द्रो विश्वस्य दमिता विभीषणो यथावशं नयति दासमार्यः ॥ ५.०३४.०६

समीं पणेरजति भोजनं मुषे वि दाशुषे भजति सूनरं वसु ।
दुर्गे चन ध्रियते विश्व आ पुरु जनो यो अस्य तविषीमचुकुधत् ॥ ५.०३४.०७
सं यञ्जनौ सुधनौ विश्वशर्धसाववेदिन्द्रो मघवा गोषु शुभिषु ।
युजं ह्यङ्गन्यमकृत प्रवेपन्युर्दी गव्यं सृजते सत्वभिर्धुनिः ॥ ५.०३४.०८
सहस्रसामाग्निवेशिं गृणीषे शत्रिमग्न उपमां केतुमर्यः ।
तस्मा आपः संयतः पीपयन्त तस्मिन्क्षत्रममवत्त्वेषमस्तु ॥ ५.०३४.०९
यस्ते साधिष्ठोऽवस इन्द्र ऋतुष्टमा भर ।
अस्मभ्यं चर्षणीसहं सस्त्रिं वाजेषु दुष्टरम् ॥ ५.०३५.०१
यदिन्द्र ते चतस्रो यच्छूर सन्ति तिस्रः ।
यद्वा पञ्च क्षितीनामवस्तत्सु न आ भर ॥ ५.०३५.०२
आ तेऽवो वरेण्यं वृषन्तमस्य हूमहे ।
वृषजूतिर्हि जज्ञिष आभूभिरिन्द्र तुर्वणिः ॥ ५.०३५.०३
वृषा ह्यसि राधसे जज्ञिषे वृष्णि ते शवः ।
स्वक्षत्रं ते धृषन्मनः सत्राहमिन्द्र पौंस्यम् ॥ ५.०३५.०४
त्वं तमिन्द्र मर्त्यममित्रयन्तमद्रिवः ।
सर्वरथा शतक्रतो नि याहि शवसस्पते ॥ ५.०३५.०५
त्वामिद्वृत्रहन्तम जनासो वृक्तबर्हिषः ।
उग्रं पूर्वीषु पूर्व्यं हवन्ते वाजसातये ॥ ५.०३५.०६
अस्माकमिन्द्र दुष्टरं पुरोयावानमाजिषु ।
सयावानं धनेधने वाजयन्तमवा रथम् ॥ ५.०३५.०७
अस्माकमिन्द्रेहि नो रथमवा पुरध्या ।
वयं शविष्ठ वार्यं दिवि श्रवो दधीमहि दिवि स्तोमं मनामहे ॥ ५.०३५.०८
स आ गमदिन्द्रो यो वसूनां चिकेतद्वातुं दामनो रयीणाम् ।
धन्वचरो न वंसगस्तृषाणश्चकमानः पिबतु दुग्धमंशुम् ॥ ५.०३६.०१
आ ते हनू हरिवः शूर शिप्रे रुहत्सोमो न पर्वतस्य पुष्टे ।
अनु त्वा राजन्वर्ततो न हिन्वन्नीर्भिर्मदेम पुरुहूत विश्वे ॥ ५.०३६.०२
चक्रं न वृत्तं पुरुहूत वेपते मनो भिया मे अमतेरिदद्रिवः ।

रथा॑दधि॑ त्वा ज॒रिता॑ स॒दावृध॑ क॒विन्नु॑ स्तो॒षन्मघ॑वन्पु॒रूवसुः॑ ॥ ५.०३६.०३
 ए॒ष ग्रा॑वेव॒ ज॒रिता॑ त॒ इन्द्रे॑य॒र्ति वाचं॑ बृ॒हदा॑शुषाणः ।
 प्र स॒व्येन॑ म॒घव॑न्य॒सि रा॑यः प्र दक्षिणिद्धरिवो मा वि वेनः ॥ ५.०३६.०४
 वृषा॑ त्वा वृषणं॒ वर्ध॑तु॒ द्यौर्वृषा॑ वृषभ्यां॒ वह॑से॒ हरि॑भ्याम् ।
 स नो॑ वृषा॒ वृष॑रथः सुशि॒प्र वृष॑क्रतो॒ वृषा॑ व॒ज्रिन्भरे॑ धाः ॥ ५.०३६.०५
 यो रोहि॑तौ वा॒जिनौ॑ वा॒जिनी॑वा॒न्निभिः॑ श॒तैः स॑च॒माना॑वदिष्ट ।
 यूने॑ सम॒स्मै क्षि॑तयो॒ नम॑न्तां॒ श्रु॒तर॑थाय मरुतो॒ दुवो॑या ॥ ५.०३६.०६
 सं भा॑नुना॒ यत॑ते॒ सूर्य॑स्याजु॒ह्वानो॑ घृ॒तपृ॑ष्ठः स्व॒श्चाः ।
 तस्मा॑ अ॒मृधा॑ उ॒पसो॑ व्यु॒च्छान्य॑ इन्द्राय सु॒नवा॑मेत्याह ॥ ५.०३७.०१
 समि॑द्धाग्निर्व॒नव॑त्स्ती॒र्णब॑र्हि॒र्युक्त॑ग्रा॒वा सु॑तसो॒मो ज॑राते ।
 ग्रा॒वाणो॑ य॒स्येपि॑रं वद॒न्त्यय॑दध्व॒र्युर्ह॑विषाव॒ सिन्धु॑म् ॥ ५.०३७.०२
 व॒धूरि॑यं प॒तिमि॑च्छन्त्येति॒ य ईं॑ वहा॒ते महि॑षीमिषिराम् ।
 आस्य॑ श्रव॒स्याद्र॑थ आ च॒ घोषा॑त्पुरू॒ सह॑स्रा॒ परि॑ वर्त॒याते ॥ ५.०३७.०३
 न स॑ राजा॒ व्यथ॑ते॒ यस्मि॑न्निन्द्र॒स्तीब्रं॑ सोमं॒ पिब॑ति॒ गोस॑खायम् ।
 आ स॑त्व॒नैर॑जति॒ हन्ति॑ वृ॒त्रं क्षे॑ति॒ क्षितीः॑ सु॒भगो॑ नाम पु॒ष्यन् ॥ ५.०३७.०४
 पु॒ष्यात्क्षे॑मे॒ अभि॑ योगे॒ भवा॑त्यु॒भे वृ॒तौ सं॑यती॒ सं ज॑याति ।
 प्रि॒यः सूर्ये॑ प्रि॒यो अ॒ग्रा भ॑वाति॒ य इन्द्रा॑य सु॒तसो॑मो॒ ददा॑शत् ॥ ५.०३७.०५
 उ॒रोष्ट॑ इन्द्र॒ राध॑सो॒ वि॒न्वी रा॑तिः श॒तक्र॑तो ।
 अथा॑ नो॒ विश्व॑चर्षणे॒ द्युम्ना॑ सु॒क्षत्र॑ मंहय ॥ ५.०३८.०१
 यदी॑मिन्द्र॒ श्रवा॑य्यमिषं॒ शवि॑ष्ठ दधिषे ।
 प॒प्रथे॑ दीर्घश्रु॒त्तमं॑ हिरण्यवर्णं॒ दुष्ट॑रम् ॥ ५.०३८.०२
 शु॒ष्मासो॑ ये ते॒ अद्रि॑वो॒ मे॒हना॑ के॒तसा॑पः ।
 उ॒भा दे॒वाव॑भिष्टये॒ दिव॑श्च॒ ग्मश्च॑ राज॒थः ॥ ५.०३८.०३
 उ॒तो नो॑ अ॒स्य क॑स्य॒ चिद्द॑क्षस्य॒ तव॑ वृ॒त्रह॑न् ।
 अ॒स्मभ्य॑ नृ॒म्णमा॑ भ॒रास्म॑भ्यं॒ नृम॑णस्यसे ॥ ५.०३८.०४
 नू त॑ आ॒भिर॑भिष्टि॒भिस्त॑व॒ शर्म॑च्छ॒तक्र॑तो ।
 इन्द्र॑ स्याम॒ सुगो॑पाः शूर॑ स्याम॒ सुगो॑पाः ॥ ५.०३८.०५

यदिन्द्र चित्र मेहनास्ति त्वादातमद्रिवः ।
 राधस्तत्रो विदद्वस उभयाहस्त्या भर ॥ ५.०३९.०१
 यन्मन्यसे वरेण्यमिन्द्र द्युक्षं तदा भर ।
 विद्याम तस्य ते वयमकूपारस्य दावने ॥ ५.०३९.०२
 यत्ते दित्सु प्रराध्यं मनो अस्ति श्रुतं बृहत् ।
 तेन दृक्हा चिदद्रिव आ वाजं दर्षि सातये ॥ ५.०३९.०३
 मंहिष्ठं वो मघोनां राजानं चर्षणीनाम् ।
 इन्द्रमुप प्रशस्तये पूर्वीभिर्जुजुषे गिरः ॥ ५.०३९.०४
 अस्मा इत्काव्यं वच उक्थमिन्द्राय शंस्यम् ।
 तस्मा उ ब्रह्मवाहसे गिरो वर्धन्त्यत्रयो गिरः शुम्भन्त्यत्रयः ॥ ५.०३९.०५
 आ याह्यद्रिभिः सुतं सोमं सोमपते पिब ।
 वृषन्निन्द्र वृषभिवृत्रहन्तम ॥ ५.०४०.०१
 वृषा ग्रावा वृषा मदो वृषा सोमो अयं सुतः ।
 वृषन्निन्द्र वृषभिवृत्रहन्तम ॥ ५.०४०.०२
 वृषा त्वा वृषणं हुवे वज्रिञ्चित्राभिरूतिभिः ।
 वृषन्निन्द्र वृषभिवृत्रहन्तम ॥ ५.०४०.०३
 ऋजीषी वज्री वृषभस्तुराषाट् लुष्मी राजा वृत्रहा सोमपावा ।
 युक्ता हरिभ्यामुप यासदर्वाङ्गाध्यंदिने सवने मत्सदिन्द्रः ॥ ५.०४०.०४
 यत्त्वा सूर्यं स्वर्भानुस्तमसाविध्यदासुरः ।
 अक्षेत्रविद्यथा मुग्धो भुवनान्यदीधयुः ॥ ५.०४०.०५
 स्वर्भानोरध यदिन्द्र माया अवो दिवो वर्तमाना अवाहन् ।
 गूक्हं सूर्यं तमसापव्रतेन तुरीयेण ब्रह्मणाविन्ददत्रिः ॥ ५.०४०.०६
 मा मामिमं तव सन्तमत्र इरस्या द्रुग्धो भियसा नि गारीत् ।
 त्वं मित्रो असि सत्यराधास्तौ मेहावतं वरुणश्च राजा ॥ ५.०४०.०७
 ग्राव्यो ब्रह्मा युयुजानः सपर्यन्कीरिणा देवान्नमसोपशिक्षन् ।
 अत्रिः सूर्यस्य दिवि चक्षुराधात्स्वर्भानोरप माया अघुक्षत् ॥ ५.०४०.०८
 यं वै सूर्यं स्वर्भानुस्तमसाविध्यदासुरः ।

अत्रयस्तमन्वविन्द्रह्ये अशक्रुवन् ॥ ५.०४०.०९

को नु वा मित्रावरुणावृतायन्दिवो वा महः पार्थिवस्य वा दे ।

ऋतस्य वा सदसि त्रासीथां नो यज्ञायते वा पशुषो न वाजान् ॥ ५.०४१.०१

ते नो मित्रो वरुणो अर्यमायुरिन्द्र ऋभुक्षा मरुतो जुषन्त ।

नमोभिर्वा ये दधते सुवृक्तिं स्तोमं रुद्राय मीळ्हुषे सजोषाः ॥ ५.०४१.०२

आ वां येष्ठाश्विना हुवध्यै वातस्य पत्मन्नथ्यस्य पुष्टौ ।

उत वा दिवो असुराय मन्म प्रान्धासीव यज्यवे भरध्वम् ॥ ५.०४१.०३

प्र सक्षणो दिव्यः कण्वहोता त्रितो दिवः सजोषा वातो अग्निः ।

पूषा भगः प्रभुथे विश्वभोजा आजिं न जग्मुराश्वश्चतमाः ॥ ५.०४१.०४

प्र वो रयिं युक्ताश्व भरध्वं राय एषेऽवसे दधीत धीः ।

सुशेव एवैरौशिजस्य होता ये व एवा मरुतस्तुराणाम् ॥ ५.०४१.०५

प्र वो वायुं रथयुजं कृणुध्वं प्र देवं विप्रं पनितारमर्कैः ।

इषुध्यव ऋतसापः पुरंधीर्वस्वीर्नो अत्र पत्नीरा धिये धुः ॥ ५.०४१.०६

उप व एषे वन्द्येभिः शूषैः प्र यही दिवश्चितयद्विरकैः ।

उषासानक्ता विदुषीव विश्वमा हा वहतो मत्याय यज्ञम् ॥ ५.०४१.०७

अभि वो अर्चे पोष्यावतो नृन्वास्तोष्पतिं त्वष्टारं रराणः ।

धन्या सजोषा धिषणा नमोभिर्वनस्पतींरोषधी राय एषे ॥ ५.०४१.०८

तुजे नस्तने पर्वताः सन्तु स्वैतवो ये वसवो न वीराः ।

पनित आस्यो यजतः सदा नो वर्धान्नः शंसं नर्यो अभिष्टौ ॥ ५.०४१.०९

वृष्णो अस्तोषि भूम्यस्य गर्भं त्रितो नपातमपां सुवृक्ति ।

गृणीते अग्निरेतरी न शूषैः शोचिष्केशो नि रिणाति वना ॥ ५.०४१.१०

कथा महे रुद्रियाय ब्रवाम कद्राये चिकितुषे भगाय ।

आप ओषधीरुत नोऽवन्तु द्यौर्वना गिरयो वृक्षकेशाः ॥ ५.०४१.११

शृणोतु न ऊर्जा पतिर्गिरः स नभस्तरियाँ इषिरः परिज्मा ।

शृण्वन्त्वापः पुरो न शुभ्राः परि सुचो बबृहाणस्याद्रेः ॥ ५.०४१.१२

विदा चिन्नु महान्तो ये व एवा ब्रवाम दस्मा वार्यं दधानाः ।

वयश्चन सुभ्वं आव यन्ति क्षुभा मर्तमनुयतं वधस्त्रैः ॥ ५.०४१.१३

आ दैव्यानि पार्थिवानि जन्मापश्चाच्छा सुमखाय वोचम् ।
 वर्धन्तां द्यावो गिरश्चन्द्राग्रा उदा वर्धन्तामभिषाता अर्णाः ॥ ५.०४१.१४
 पदेपदे मे जरिमा नि धायि वरूत्री वा शक्रा या पायुभिश्च ।
 सिषक्तु माता मही रसा नः स्मत्सूरिभिर्ऋजुहस्त ऋजुवनिः ॥ ५.०४१.१५
 कथा दाशेम नमसा सुदानूनेवया मरुतो अच्छोक्तौ प्रश्रवसो मरुतो अच्छोक्तौ ।
 मा नोऽहिर्बुध्न्यो रिषे धादस्माकं भूदुपमातिवनिः ॥ ५.०४१.१६
 इति चिन्नु प्रजायै पशुमत्यै देवासो वनते मर्त्यो व आ देवासो वनते मर्त्यो वः ।
 अत्रा शिवां तन्वो धासिमस्या जरां चिन्मे निर्ऋतिर्जग्रसीत ॥ ५.०४१.१७
 तां वो देवाः सुमतिमूर्जयन्तीमिषमश्याम वसवः शसा गोः ।
 सा नः सुदानुर्मूळयन्ती देवी प्रति द्रवन्ती सुविताय गम्याः ॥ ५.०४१.१८
 अभि न इळा यूथस्य माता स्मन्नदीभिरुर्वशी वा गृणातु ।
 उर्वशी वा बृहद्विवा गृणानाभ्यूर्णाना प्रभृथस्यायोः ॥ ५.०४१.१९
 सिषक्तु न ऊर्जव्यस्य पुष्टेः ॥ ५.०४१.२०
 प्र शंतमा वरुणं दीधिति गीर्मित्रं भगमदिति नूनमश्याः ।
 पृषद्योनिः पञ्चहोता शृणोत्वतूर्तपन्था असुरो मयोभुः ॥ ५.०४२.०१
 प्रति मे स्तोममदितिर्जगृभ्यात्सूनुं न माता हृद्यं सुशेवम् ।
 ब्रह्म प्रियं देवहितं यदस्त्यहं मित्रे वरुणे यन्मयोभु ॥ ५.०४२.०२
 उदीरय कवितमं कवीनामुनत्तैनमभि मध्वा घृतेन ।
 स नो वसूनि प्रयता हितानि चन्द्राणि देवः सविता सुवाति ॥ ५.०४२.०३
 समिन्द्र णो मनसा नेषि गोभिः सं सूरिभिर्हरिवः सं स्वस्ति ।
 सं ब्रह्मणा देवहितं यदस्ति सं देवानां सुमत्या यज्ञियानाम् ॥ ५.०४२.०४
 देवो भगः सविता रायो अंश इन्द्रो वृत्रस्य संजितो धनानाम् ।
 ऋभुक्षा वाज उत वा पुरंधिरवन्तु नो अमृतासस्तुरासः ॥ ५.०४२.०५
 मरुत्वतो अप्रतीतस्य जिष्णोरजूर्यतः प्र ब्रवामा कृतानि ।
 न ते पूर्वं मघवन्नापरासो न वीर्यं नूतनः कश्चनाप ॥ ५.०४२.०६
 उप स्तुहि प्रथमं रत्नधेयं बृहस्पतिं सनितारं धनानाम् ।
 यः शंसते स्तुवते शम्भविष्ठः पुरूवसुरागमञ्जोहुवानम् ॥ ५.०४२.०७

तवोतिभिः सचमाना अरिष्ठा बृहस्पते मघवानः सुवीराः ।
 ये अश्वदा उत वा सन्ति गोदा ये वस्रदाः सुभगास्तेषु रायः ॥ ५.०४२.०८
 विसर्माणं कृणुहि वित्तमेषां ये भुञ्जते अपृणन्तो न उक्थैः ।
 अपव्रतान्प्रसवे वावृधानान्ब्रह्मद्विषः सूर्याद्यावयस्व ॥ ५.०४२.०९
 य ओहते रक्षसो देववीतावचक्रेभिस्तं मरुतो नि यात ।
 यो वः शर्मा शशमानस्य निन्दात्तुच्छान्कामान्करते सिष्विदानः ॥ ५.०४२.१०
 तमु ष्टुहि यः स्विषुः सुधन्वा यो विश्वस्य क्षयति भेषजस्य ।
 यक्ष्वा महे सौमनसाय रुद्रं नमोभिर्देवमसुरं दुवस्य ॥ ५.०४२.११
 दमूनसो अपसो ये सुहस्ता वृष्णः पत्नीर्नद्यो विभ्वतष्टाः ।
 सरस्वती बृहद्विवोत राका दशस्यन्तीर्वरिवस्यन्तु शुभ्राः ॥ ५.०४२.१२
 प्र सू महे सुशरणाय मेधां गिरं भरे नव्यसीं जायमानाम् ।
 य आहना दुहितुर्वक्षणासु रूपा मिनानो अकृणोदिदं नः ॥ ५.०४२.१३
 प्र सुष्टुतिः स्तनयन्तं रुवन्तमिळस्पतिं जरितर्नूनमश्याः ।
 यो अब्दिमाँ उदनिमाँ इयतिं प्र विद्युता रोदसी उक्षमाणः ॥ ५.०४२.१४
 एष स्तोमो मारुतं शर्धो अच्छा रुद्रस्य सूर्नूर्युवन्नूरुदश्याः ।
 कामो राये हवते मा स्वस्त्युप स्तुहि पृषदश्वँ अयासः ॥ ५.०४२.१५
 प्रैष स्तोमः पृथिवीमन्तरिक्षं वनस्पतीँरोषधी राये अश्याः ।
 देवोदेवः सुहवो भूतु मह्यं मा नो माता पृथिवी दुर्मतौ धात् ॥ ५.०४२.१६
 उरौ देवा अनिबाधे स्याम ॥ ५.०४२.१७
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभगानि ॥ ५.०४२.१८
 आ धेनवः पयसा तूर्ण्यर्था अमर्धन्तीरुप नो यन्तु मध्वा ।
 महो राये बृहतीः सप्त विप्रो मयोभुवा जरिता जोहवीति ॥ ५.०४३.०१
 आ सुष्टुती नमसा वर्तयध्वै द्यावा वाजाय पृथिवी अमृध्रे ।
 पिता माता मधुवचाः सुहस्ता भरेभरे नो यशसावविष्टाम् ॥ ५.०४३.०२
 अध्वर्यवश्चकृवांसो मधूनि प्र वायवे भरत चारु शुक्रम् ।
 होतेव नः प्रथमः पाह्यस्य देव मध्वो ररिमा ते मदाय ॥ ५.०४३.०३

दश क्षिपो युञ्जते बाहू अद्रिं सोमस्य या शमितारा सुहस्ता ।
 मध्वो रसं सुगभस्तिर्गिरिष्ठां चनिश्चदद्दुदुहे शुक्रमंशुः ॥ ५.०४३.०४
 असावि ते जुजुषाणाय सोमः ऋत्वे दक्षाय बृहते मदाय ।
 हरी रथे सुधुरा योगे अर्वागिन्द्र प्रिया कृणुहि ह्यमानः ॥ ५.०४३.०५
 आ नो महीमरमतिं सजोषा ग्रां देवीं नमसा रातहव्याम् ।
 मधोर्मदाय बृहतीमृतज्ञामाग्ने वह पथिभिर्देवयानैः ॥ ५.०४३.०६
 अञ्जन्ति यं प्रथयन्तो न विप्रा वपावन्तं नाग्निना तपन्तः ।
 पितुर्न पुत्र उपसि प्रेष्ठ आ घर्मो अग्निमृतयन्नसादि ॥ ५.०४३.०७
 अच्छा मही बृहती शतमा गीर्दूतो न गन्त्वश्विना हुवध्वै ।
 मयोभुवा सरथा यातमर्वाग्गन्तं निधिं धुरमाणिर्न नाभिम् ॥ ५.०४३.०८
 प्र तव्यसो नमउक्तिं तुरस्याहं पूष्ण उत वायोरदिक्षि ।
 या राधसा चोदितारा मतीनां या वाजस्य द्रविणोदा उत त्मन् ॥ ५.०४३.०९
 आ नामभिर्मरुतो वक्षि विश्वाना रूपेभिर्जातवेदो हुवानः ।
 यज्ञं गिरो जरितुः सुष्टुतिं च विश्वे गन्त मरुतो विश्व ऊती ॥ ५.०४३.१०
 आ नो दिवो बृहतः पर्वतादा सरस्वती यजता गन्तु यज्ञम् ।
 हवं देवी जुजुषाणा घृतावी शग्मां नो वाचमुशती शृणोतु ॥ ५.०४३.११
 आ वेधसं नीलपृष्ठं बृहन्तं बृहस्पतिं सदने सादयध्वम् ।
 सादद्योनिं दम आ दीदिवांसं हिरण्यवर्णमरुषं सपेम ॥ ५.०४३.१२
 आ धर्णसिर्बृहद्विवो रराणो विश्वेभिर्गन्त्वोमभिर्हुवानः ।
 ग्रा वसान ओषधीरमृध्रस्त्रिधातुशृङ्गो वृषभो वयोधाः ॥ ५.०४३.१३
 मातुष्पदे परमे शुक्र आयोर्विपन्यवो रास्पिरासो अगमन् ।
 सुशेव्यं नमसा रातहव्याः शिशुं मृजन्त्यायवो न वासे ॥ ५.०४३.१४
 बृहद्वयो बृहते तुभ्यमग्ने धियाजुरो मिथुनासः सचन्त ।
 देवोदेवः सुहवो भूतु मह्यं मा नो माता पृथिवी दुर्मतौ धात् ॥ ५.०४३.१५
 उरौ देवा अनिबाधे स्याम ॥ ५.०४३.१६
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभागानि ॥ ५.०४३.१७

तं प्रलथा पूर्वथा विश्वथेमथा ज्येष्ठतातिं बर्हिषदं स्वर्विदम् ।
प्रतीचीनं वृजनं दोहसे गिराशुं जयन्तमनु यासु वर्धसे ॥ ५.०४४.०१
श्रिये सुदृशीरुपरस्य याः स्वर्विरोचमानः ककुभामचोदते ।
सुगोपा असि न दभाय सुक्रतो परो मायाभिर्ऋत आस नाम ते ॥ ५.०४४.०२
अत्यं हविः सचते सच्च धातु चारिष्टगातुः स होता सहोभरिः ।
प्रसस्राणो अनु बर्हिर्वृषा शिशुर्मध्ये युवाजरो विस्रुहा हितः ॥ ५.०४४.०३
प्र व एते सुयुजो यामन्निष्टये नीचीरमुष्मै यम्य ऋतावृधः ।
सुयन्तुभिः सर्वशासैरभीशुभिः क्रिविर्नामानि प्रवणे मुषायति ॥ ५.०४४.०४
संजभुराणस्तुरुभिः सुतेगृभं वयाकिनं चित्तगर्भासु सुस्वरुः ।
धारवाकेष्वृजुगाथ शोभसे वर्धस्व पत्नीरभि जीवो अध्वरे ॥ ५.०४४.०५
यादृगेव ददृशे तादृगुच्यते सं ह्ययया दधिरे सिध्रयाप्स्वा ।
महीमस्मभ्यमुरुषामुरु ज्रयो बृहत्सुवीरमनपच्युतं सहः ॥ ५.०४४.०६
वेत्यग्रुर्जनिवान्वा अति स्पृधः समर्यता मनसा सूर्यः कविः ।
घ्नंसं रक्षन्तं परि विश्वतो गयमस्माकं शर्म वनवत्स्वावसुः ॥ ५.०४४.०७
ज्यायांसमस्य यतुनस्य केतुन ऋषिस्वरं चरति यासु नाम ते ।
यादृश्मिन्धायि तमपस्यया विदद्य उ स्वयं वहते सो अरं करत् ॥ ५.०४४.०८
समुद्रमासामव तस्थे अग्रिमा न रिष्यति सवनं यस्मिन्नायता ।
अत्रा न हार्दि ऋवणस्य रेजते यत्रा मतिर्विद्यते पूतबन्धनी ॥ ५.०४४.०९
स हि क्षत्रस्य मनसस्य चित्तिभिरेवावदस्य यजतस्य सध्रेः ।
अवत्सारस्य स्पृणवाम रण्वभिः शविष्ठं वाजं विदुषा चिदध्यम् ॥ ५.०४४.१०
श्येन आसामदितिः कक्ष्योऽ मदो विश्ववारस्य यजतस्य मायिनः ।
समन्यमन्यमर्थयन्त्येतवे विदुर्विषाणं परिपानमन्ति ते ॥ ५.०४४.११
सदापृणो यजतो वि द्विषो वधीद्वाहुवृक्तः श्रुतवित्तयो वः सचा ।
उभा स वरा प्रत्येति भाति च यदीं गणं भजते सुप्रयावभिः ॥ ५.०४४.१२
सुतम्भरो यजमानस्य सत्पतिर्विश्वासामूधः स धियामुदञ्चनः ।
भरद्धेनू रसवच्छिश्रिये पयोऽनुब्रुवाणो अध्येति न स्वपन् ॥ ५.०४४.१३
यो जागार तमृचः कामयन्ते यो जागार तमु सामानि यन्ति ।

यो जा॒गार॒ तम॑यं सोम॒ आह॑ तवा॒हमस्मि॑ स॒ख्ये न्यो॑काः ॥ ५.०४४.१४
 अ॒ग्निर्जा॑गार॒ तमृ॑चः काम॒यन्तेऽग्नि॑र्जा॒गार॒ तमु॑ सामानि॒ यन्ति॑ ।
 अ॒ग्निर्जा॑गार॒ तम॑यं सोम॒ आह॑ तवा॒हमस्मि॑ स॒ख्ये न्यो॑काः ॥ ५.०४४.१५
 वि॒दा दि॒वो वि॒ष्यन्न॑द्रि॒मुक्थै॑रा॒यत्या॑ उ॒षसो॑ अ॒र्चिनो॑ गुः ।
 अ॒पावृ॑त ब्र॒जिनी॑रु॒त्स्वर्गा॑द्वि॒ दुरो॑ मानु॒षीर्दे॒व आवः॑ ॥ ५.०४५.०१
 वि॒ सूर्यो॑ अ॒मतिं॑ न श्रि॒यं सा॒दोर्वा॑द्भवां॒ माता॑ जा॒नती॑ गात् ।
 ध॒न्व॑र्णसो॒ नद्य॑ः खा॒दोर्णाः॑ स्था॒णव॑ सु॒मिता॑ दं॒हत॑ द्यौः ॥ ५.०४५.०२
 अ॒स्मा उ॒क्थाय॑ पर्व॒तस्य॑ ग॒र्भो म॑हीनां॒ जनु॑षे पू॒र्व्याय॑ ।
 वि॒ पर्व॑तो जि॒हीत॑ सा॒धत॑ द्यौरा॒विवा॑सन्तो॒ दस॑यन्त॒ भूम॑ ॥ ५.०४५.०३
 सू॒क्तेभि॑र्वो॒ वचो॑भिर्दे॒वजु॑ष्टैरिन्द्रा॒ न्व॑श्री॒ अव॑से हु॒वध्वै॑ ।
 उ॒क्थेभि॑र्हि॒ ष्मा क॑वयः सु॒यज्ञा॑ आ॒विवा॑सन्तो॒ मरु॑तो॒ यज॑न्ति ॥ ५.०४५.०४
 ए॒तो न्व॑द्य सु॒ध्यो॑ भवाम॒ प्र दु॑च्छु॒ना मि॑नवामा॒ वरी॑यः ।
 आ॒रे द्वे॑षासि॒ सनु॑त॒दधा॑मायाम॒ प्राश्चो॑ यज॒मान॑मच्छ ॥ ५.०४५.०५
 ए॒ता धि॑यं कृ॒णवा॑मा स॒खायोऽप॑ या॒ माताँ॑ ऋ॒णुत॑ ब्र॒जं गोः॑ ।
 य॒या म॑नु॒र्विशि॑शि॒प्रं जि॑गाय॒ यया॑ व॒णिग्व॑ङ्कुरा॒पा पुरी॑षम् ॥ ५.०४५.०६
 अ॒नू॒नो॒दत्र॑ ह॒स्तय॑तो॒ अ॒द्रि॒रार्च॑न्त्ये॒न द॑श॒ मासो॑ नव॒ग्वाः ।
 ऋ॒तं य॑ती॒ सर॑मा गा॒ अवि॑न्दद्वि॒श्वानि॑ स॒त्याङ्गि॑राश्चकार ॥ ५.०४५.०७
 विश्वे॑ अ॒स्या व्यु॑षि॒ माहि॑नायाः॒ सं य॒द्रोभि॑रङ्गि॒रसो॑ नवन्त ।
 उत्स॑ आसां॒ पर॑मे॒ सध॑स्थ॒ ऋ॒तस्य॑ प॒था सर॑मा वि॒दद्वाः॑ ॥ ५.०४५.०८
 आ॒ सूर्यो॑ यातु॒ सप्ता॑श्वः॒ क्षेत्रं॑ यद॒स्योर्वि॑या दी॒र्घया॑थे ।
 र॒घुः श्ये॑नः प॒तय॑द॒न्धो अ॑च्छा॒ युवा॑ क॒विदी॑दय॒द्रोषु॑ गच्छन् ॥ ५.०४५.०९
 आ॒ सूर्यो॑ अ॒रुह॑च्छु॒क्रम॑र्णोऽयु॒क्त य॑द्धरि॒तो वी॑तपृ॒ष्ठाः ।
 उ॒द्रा न॑ ना॒वम॑नयन्त॒ धीरा॑ आ॒शृण्व॑तीरा॒पो अ॒र्वाग॑तिष्ठन् ॥ ५.०४५.१०
 धि॒यं वो॑ अ॒प्सु द॑धिषे॒ स्वर्षा॑ यया॒तर॑न्द॒श मा॑सो नव॒ग्वाः ।
 अ॒या धि॑या॒ स्याम॑ दे॒वगो॑पा॒ अया॑ धि॒या तु॑तु॒र्यामा॑त्यंहः ॥ ५.०४५.११
 ह॒यो न॑ वि॒द्वौ अ॑यु॒जि स्व॑यं धु॒रि तां॑ व॒हामि॑ प्र॒तर॑णीमव॒स्युव॑म् ।
 ना॒स्या व॑श्मि॒ वि॒मुचं॑ ना॒वृतं॑ पु॒नर्वि॑द्वान्प॒थः पु॑र॒एत॑ ऋ॒जु ने॑षति ॥ ५.०४६.०१

अग्र इन्द्र वरुण मित्र देवाः शर्धः प्र यन्त मारुतोत विष्णो ।
 उभा नासत्या रुद्रो अध ग्राः पूषा भगः सरस्वती जुषन्त ॥ ५.०४६.०२
 इन्द्राग्नी मित्रावरुणादिति स्वः पृथिवीं द्यां मरुतः पर्वताँ अपः ।
 हुवे विष्णु पूषणं ब्रह्मणस्पतिं भगं नु शंसं सवितारमृतये ॥ ५.०४६.०३
 उत नो विष्णुरुत वातो अस्निधो द्रविणोदा उत सोमो मयस्करत् ।
 उत ऋभव उत राये नो अश्विनोत त्वष्टोत विभ्वानु मंसते ॥ ५.०४६.०४
 उत त्यत्रो मारुतं शर्ध आ गमद्विविक्षयं यजतं बर्हिरासदे ।
 बृहस्पतिः शर्म पूषोत नो यमद्वरूथ्यं वरुणो मित्रो अर्यमा ॥ ५.०४६.०५
 उत त्ये नः पर्वतासः सुशस्तयः सुदीतयो नद्यश्स्त्रामणे भुवन् ।
 भगो विभक्ता शवसावसा गमदुरुव्यचा अदितिः श्रोतु मे हवम् ॥ ५.०४६.०६
 देवानां पत्नीरुशतीरवन्तु नः प्रावन्तु नस्तुजये वाजसातये ।
 याः पार्थिवासो या अपामपि व्रते ता नो देवीः सुहवाः शर्म यच्छत ॥ ५.०४६.०७
 उत ग्रा व्यन्तु देवपत्नीरिन्द्राण्यश्नाय्यश्विनी राट् ।
 आ रोदसी वरुणानी शृणोतु व्यन्तु देवीर्य ऋतुर्जनीनाम् ॥ ५.०४६.०८
 प्रयुञ्जती दिव एति ब्रुवाणा मही माता दुहितुर्बोधयन्ती ।
 आविवासन्ती युवतिर्मनीषा पितृभ्य आ सदने जोहुवाना ॥ ५.०४७.०१
 अजिरासस्तदप ईयमाना आतस्थिवांसो अमृतस्य नाभिम् ।
 अनन्तास उरवो विश्वतः सीं परि द्यावापृथिवी यन्ति पन्थाः ॥ ५.०४७.०२
 उक्षा समुद्रो अरुषः सुपर्णः पूर्वस्य योनिं पितुरा विवेश ।
 मध्ये दिवो निहितः पृश्निरश्मा वि चक्रमे रजसस्पात्यन्तौ ॥ ५.०४७.०३
 चत्वार ईं बिभ्रति क्षेमयन्तो दश गर्भं चरसे धापयन्ते ।
 त्रिधातवः परमा अस्य गावो दिवश्चरन्ति परि सद्यो अन्तान् ॥ ५.०४७.०४
 इदं वपुर्निवचनं जनासश्चरन्ति यन्नद्यस्तस्थुरापः ।
 द्वे यदीं बिभृतो मातुरन्ये इहेह जाते यम्याः सबन्धू ॥ ५.०४७.०५
 वि तन्वते धियो अस्मा अपासि वस्त्रा पुत्राय मातरो वयन्ति ।
 उपप्रक्षे वृषणो मोदमाना दिवस्पथा वध्वो यन्त्यच्छ ॥ ५.०४७.०६
 तदस्तु मित्रावरुणा तदग्ने शं योरस्मभ्यमिदमस्तु शस्तम् ।

अ॒शी॒महि॑ गा॒धमु॑त॒ प्रति॑ष्ठां॒ नमो॑ दि॒वे बृ॑हते सादनाय ॥ ५.०४७.०७
 कदु॑ प्रि॒याय॒ धाम्ने॑ मनामहे स्वक्षत्राय स्वयशसे महे वयम् ।
 आ॒मे॒न्यस्य॑ रजसो यदभ्र आँ॒ अपो॑ वृ॒णाना॑ वि॒तनो॑ति मा॒यिनी॑ ॥ ५.०४८.०१
 ता अ॒न्नत॑ व॒युनं॑ वी॒रव॑क्षणं॒ समा॒न्या वृ॑तया॒ विश्व॑मा रजः ।
 अपो॑ अ॒पाची॑रपरा॒ अपे॑जते प्र॒ पूर्वा॑भिस्तिरते दे॒वयु॑र्जनः ॥ ५.०४८.०२
 आ॒ ग्राव॑भि॒रहन्ये॑भि॒रक्तु॑भिर्वि॒रिष्टं॑ वज्रमा जिघर्ति मा॒यिनि॑ ।
 शतं॑ वा॒ यस्य॑ प्र॒चर॑न्स्वे दमे सं॒वर्त॑यन्तो वि च॒ वर्त॑यन्नहा ॥ ५.०४८.०३
 ताम॑स्य॒ रीतिं॑ प॒रशो॑रिव॒ प्रत्य॑नीकमख्यं भुजे॒ अस्य॑ व॒र्षसः॑ ।
 सचा॑ यदि॒ पितु॑मन्तमिव॒ क्षयं॑ रत्नं॒ दधा॑ति॒ भर॑हूतये॒ विशे॑ ॥ ५.०४८.०४
 स जि॒ह्वया॑ चतुरनीक ऋ॒ञ्जते॑ चारु॒ वसानो॑ वरु॒णो यत॑न्नरिम् ।
 न तस्य॑ वि॒द्म पुरु॑षत्वता॒ वयं॑ यतो॒ भगः॑ स॒विता॑ दाति॒ वार्य॑म् ॥ ५.०४८.०५
 देवं॑ वो अ॒द्य स॒वितार॑मेषे॒ भगं॑ च॒ रत्नं॑ वि॒भज॑न्तमा॒योः ।
 आ वां॑ नरा॒ पुरु॑भुजा॒ ववृ॑त्यां दि॒वेदि॒वे चि॒दश्वि॑ना॒ सखी॑यन् ॥ ५.०४९.०१
 प्रति॑ प्र॒याण॑मसुरस्य॒ वि॒द्वान्सू॒क्तैर्दे॒वं स॒वितारं॑ दुवस्य ।
 उप॑ ब्रुवीत॒ नमसा॑ वि॒जान॑ञ्छेष्टं च॒ रत्नं॑ वि॒भज॑न्तमा॒योः ॥ ५.०४९.०२
 अ॒दन्न॑या दयते॒ वार्या॑णि॒ पूषा॑ भगो॒ अदि॑तिर्वस्त॒ उ॒स्रः ।
 इन्द्रो॑ विष्णुर्वरु॒णो मि॒त्रो अ॒ग्नि॑रहानि॒ भद्रा॑ जनयन्त॒ दस्माः॑ ॥ ५.०४९.०३
 तन्नो॑ अन॒र्वा स॒विता॑ वरू॒थं तत्सि॑न्धव॒ इष॑यन्तो॒ अनु॑ ग्मन् ।
 उप॑ यद्वोचे॒ अध्व॑रस्य॒ होता॑ रा॒यः स्या॑म॒ पत॑यो॒ वाज॑रत्नाः ॥ ५.०४९.०४
 प्र॒ ये वसु॑भ्य॒ ईव॑दा॒ नमो॑ दु॒र्ये मि॑त्रे वरु॒णे सू॒क्तवा॑चः ।
 अवै॑त्वभ्वं॒ कृणु॑ता वरीयो दि॒वस्पृ॑थि॒व्योरव॑सा मदेम ॥ ५.०४९.०५
 विश्वो॑ दे॒वस्य॑ ने॒तुर्म॑र्तो वुरीत॒ सख्य॑म् ।
 विश्वो॑ रा॒य इ॒षुध्य॑ति॒ द्युम॑न्नं वृणीत॒ पुष्य॑से ॥ ५.०५०.०१
 ते ते॑ दे॒व ने॑तर्ये॒ चेमाँ॑ अनुशसे ।
 ते रा॒या ते॑ ह्या॒३पृ॑चे॒ सचे॑महि॒ सच॑थ्यैः ॥ ५.०५०.०२
 अतो॑ न॒ आ नृ॑नतिथी॒नतः॑ पत्नीर्दशस्यत ।
 आ॒रे विश्वं॑ पथे॒ष्ठां द्वि॑षो॒ युयो॑तु॒ यूयु॑विः ॥ ५.०५०.०३

यत्र वह्निरभिहितो दुद्रवद्वोण्यः पशुः ।
 नृमणा वीरपस्त्योऽर्णा धीरेव सनिता ॥ ५.०५०.०४
 एष ते देव नेता रथस्पतिः शं रयिः ।
 शं राये शं स्वस्तय इषःस्तुतो मनामहे देवस्तुतो मनामहे ॥ ५.०५०.०५
 अग्ने सुतस्य पीतये विश्वैरूमेभिरा गहि ।
 देवेभिर्हव्यदातये ॥ ५.०५१.०१
 ऋतधीतय आ गत सत्यधर्माणो अध्वरम् ।
 अग्नेः पिबत जिह्वया ॥ ५.०५१.०२
 विप्रेभिर्विप्र सन्त्य प्रातर्यावभिरा गहि ।
 देवेभिः सोमपीतये ॥ ५.०५१.०३
 अयं सोमश्चमू सुतोऽमत्रे परि षिच्यते ।
 प्रिय इन्द्राय वायवे ॥ ५.०५१.०४
 वायवा याहि वीतये जुषाणो हव्यदातये ।
 पिबा सुतस्यान्धसो अभि प्रयः ॥ ५.०५१.०५
 इन्द्रश्च वायवेषां सुतानां पीतिमर्हथः ।
 ताञ्जुषेथामरेपसावभि प्रयः ॥ ५.०५१.०६
 सुता इन्द्राय वायवे सोमासो दध्याशिरः ।
 निम्नं न यन्ति सिन्धवोऽभि प्रयः ॥ ५.०५१.०७
 सजूर्विश्वेभिर्देवेभिरश्विभ्यामुषसा सजूः ।
 आ याह्यग्ने अत्रिवत्सुते रण ॥ ५.०५१.०८
 सजूर्मित्रावरुणाभ्यां सजूः सोमेन विष्णुना ।
 आ याह्यग्ने अत्रिवत्सुते रण ॥ ५.०५१.०९
 सजूरादित्यैर्वसुभिः सजूरिन्द्रेण वायुना ।
 आ याह्यग्ने अत्रिवत्सुते रण ॥ ५.०५१.१०
 स्वस्ति नो मिमीतामश्विना भगः स्वस्ति देव्यदितिरनर्वणः ।
 स्वस्ति पूषा असुरो दधातु नः स्वस्ति द्यावापृथिवी सुचेतुना ॥ ५.०५१.११
 स्वस्तये वायुमुप ब्रवामहे सोमं स्वस्ति भुवनस्य यस्पतिः ।

बृहस्पतिं सर्वगणं स्वस्तये स्वस्तये आदित्यासो भवन्तु नः ॥ ५.०५१.१२
 विश्वे देवा नो अद्या स्वस्तये वैश्वानरो वसुरग्निः स्वस्तये ।
 देवा अवन्त्वुभवः स्वस्तये स्वस्ति नो रुद्रः पात्वंहसः ॥ ५.०५१.१३
 स्वस्ति मित्रावरुणा स्वस्ति पथ्ये रेवति ।
 स्वस्ति न इन्द्रश्चाग्निश्च स्वस्ति नो अदिते कृधि ॥ ५.०५१.१४
 स्वस्ति पन्थामनु चरेम सूर्याचन्द्रमसाविव ।
 पुनर्ददताघ्नता जानता सं गमेमहि ॥ ५.०५१.१५
 प्र श्यावाश्व धृष्णुयार्चा मरुद्भिर्ऋक्भिः ।
 ये अद्रोघमनुष्वधं श्रवो मदन्ति यज्ञियाः ॥ ५.०५२.०१
 ते हि स्थिरस्य शवसः सखायः सन्ति धृष्णुया ।
 ते यामन्ना धृषद्विनस्त्मना पान्ति शश्वतः ॥ ५.०५२.०२
 ते स्यन्द्रासो नोक्षणोऽति ष्कन्दन्ति शर्वरीः ।
 मरुतामधा महो दिवि क्षमा च मन्महे ॥ ५.०५२.०३
 मरुत्सु वो दधीमहि स्तोमं यज्ञं च धृष्णुया ।
 विश्वे ये मानुषा युगा पान्ति मर्त्यं रिषः ॥ ५.०५२.०४
 अहन्तो ये सुदानवो नरो असामिशवसः ।
 प्र यज्ञं यज्ञियेभ्यो दिवो अर्चा मरुद्भ्यः ॥ ५.०५२.०५
 आ रुक्मैरा युधा नर ऋष्वा ऋष्टीरसृक्षत ।
 अन्वेनाँ अह विद्युतो मरुतो जज्झ्रतीरिव भानुरर्त त्मना दिवः ॥ ५.०५२.०६
 ये वावुधन्त पार्थिवा य उरावन्तरिक्ष आ ।
 वृजने वा नदीनां सधस्थे वा महो दिवः ॥ ५.०५२.०७
 शर्धो मारुतमुच्छस सत्यशवसमृभ्वसम् ।
 उत स्म ते शुभे नरः प्र स्यन्द्रा युजत त्मना ॥ ५.०५२.०८
 उत स्म ते परुष्यामूर्णा वसत शुन्ध्यवः ।
 उत पव्या रथानामद्रिं भिन्दन्त्योजसा ॥ ५.०५२.०९
 आपथयो विपथयोऽन्तस्पथा अनुपथाः ।
 एतेभिर्मह्यं नामभिर्यज्ञं विष्टार ओहते ॥ ५.०५२.१०

अधा नरो न्योहतेऽधा नियुत ओहते ।
 अधा पारावता इति चित्रा रूपाणि दर्श्या ॥ ५.०५२.११
 छन्दःस्तुभः कुभन्यव उत्समा कीरिणो नृतुः ।
 ते मे के चित्र तायव ऊमा आसन्दशि त्विषे ॥ ५.०५२.१२
 य ऋष्वा ऋष्टिविद्युतः कवयः सन्ति वेधसः ।
 तमृषे मारुतं गणं नमस्या रमया गिरा ॥ ५.०५२.१३
 अच्छ ऋषे मारुतं गणं दाना मित्रं न योषणा ।
 दिवो वा धृष्णव ओजसा स्तुता धीभिरिषण्यत ॥ ५.०५२.१४
 नू मन्वान एषां देवाँ अच्छा न वक्षणा ।
 दाना सचेत सूरिभिर्यामश्रुतेभिरञ्जिभिः ॥ ५.०५२.१५
 प्र ये मे बन्ध्वेषे गां वोचन्त सूरयः पृश्नि वोचन्त मातरम् ।
 अधा पितरमिष्मिणं रुद्रं वोचन्त शिक्कसः ॥ ५.०५२.१६
 सप्त मे सप्त शाकिन एकमेका शता ददुः ।
 यमुनायामधि श्रुतमुद्राधो गव्यं मृजे नि राधो अश्व्यं मृजे ॥ ५.०५२.१७
 को वेद जानमेषां को वा पुरा सुम्रेष्वास मरुताम् ।
 यद्युयुजे किलास्यः ॥ ५.०५३.०१
 ऐतान्रथेषु तस्थुषः कः शुश्राव कथा ययुः ।
 कस्मै ससुः सुदासे अन्वापय इळाभिर्वृष्टयः सह ॥ ५.०५३.०२
 ते म आहुर्य आययुरुप द्युभिर्विभिर्मदे ।
 नरो मर्या अरेपस इमान्यश्यन्निति ष्टहि ॥ ५.०५३.०३
 ये अञ्जिषु ये वाशीषु स्वभानवः स्रक्षु रुक्मेषु खादिषु ।
 श्राया रथेषु धन्वसु ॥ ५.०५३.०४
 युष्माकं स्मा रथाँ अनु मुदे दधे मरुतो जीरदानवः ।
 वृष्टी द्यावो यतीरिव ॥ ५.०५३.०५
 आ यं नरः सुदानवो ददाशुषे दिवः कोशमचुच्यवुः ।
 वि पर्जन्यं सृजन्ति रोदसी अनु धन्वना यन्ति वृष्टयः ॥ ५.०५३.०६
 ततुदानाः सिन्धवः क्षोदसा रजः प्र ससुर्धेनवो यथा ।

स्यन्ना अश्वा इवाध्वनो विमोचने वि यद्वर्तन्त एन्यः ॥ ५.०५३.०७
आ यात मरुतो दिव आन्तरिक्षादमादुत ।
माव स्थात परावतः ॥ ५.०५३.०८
मा वो रसानितभा कुभा क्रुमुर्मा वः सिन्धुर्नि रीरमत् ।
मा वः परि छात्सरयुः पुरीषिण्यस्मे इत्सुम्रमस्तु वः ॥ ५.०५३.०९
तं वः शर्धं रथानां त्वेषं गणं मारुतं नव्यसीनाम् ।
अनु प्र यन्ति वृष्टयः ॥ ५.०५३.१०
शर्धंशर्धं व एषां व्रातव्रातं गणंगणं सुशस्तिभिः ।
अनु क्रामेम धीतिभिः ॥ ५.०५३.११
कस्मा अद्य सुजाताय रातहव्याय प्र ययुः ।
एना यामेन मरुतः ॥ ५.०५३.१२
येन तोकाय तनयाय धान्यं बीजं वहध्वे अक्षितम् ।
अस्मभ्यं तद्धत्तन यद्व ईमहे राधो विश्वायु सौभगम् ॥ ५.०५३.१३
अतीयाम निदस्तिरः स्वस्तिभिर्हित्वावद्यमरातीः ।
वृष्टी शं योराप उस्त्रि भेषजं स्याम मरुतः सह ॥ ५.०५३.१४
सुदेवः समहासति सुवीरो नरो मरुतः स मर्त्यः ।
यं त्रायध्वे स्याम ते ॥ ५.०५३.१५
स्तुहि भोजान्स्तुवतो अस्य यामनि रणन्गावो न यवसे ।
यतः पूर्वा इव सखीरनु ह्वय गिरा गृणीहि कामिनः ॥ ५.०५३.१६
प्र शर्धाय मारुताय स्वभानव इमां वाचमनजा पर्वतच्युते ।
घर्मस्तुभे दिव आ पृष्ठयज्वने द्युम्रश्रवसे महि नृम्णमर्चत ॥ ५.०५४.०१
प्र वो मरुतस्तविषा उदन्यवो वयोवृधो अश्वयुजः परिञ्जयः ।
सं विद्युता दधति वाशति त्रितः स्वरन्त्यापोऽवना परिञ्जयः ॥ ५.०५४.०२
विद्युन्महसो नरो अश्मदिद्यवो वातत्विषो मरुतः पर्वतच्युतः ।
अब्दया चिन्मुहुरा ह्यादुनीवृतः स्तनयदमा रभसा उदोजसः ॥ ५.०५४.०३
व्यश्कून्नुद्रा व्यहानि शिकसो व्यश्न्तरिक्षं वि रजासि धूतयः ।
वि यदज्राँ अजथ नाव ईं यथा वि दुर्गाणि मरुतो नाह रिष्यथ ॥ ५.०५४.०४

तद्वीर्यं वो मरुतो महित्वनं दीर्घं ततान सूर्यो न योजनम् ।
एता न यामे अगृभीतशोचिषोऽनश्वदां यन्नययातना गिरिम् ॥ ५.०५४.०५
अभ्राजि शर्षो मरुतो यदर्णसं मोषथा वृक्षं कपनेव वेधसः ।
अध स्मा नो अरमतिं सजोषसश्चुरिव यन्तमनु नेषथा सुगम् ॥ ५.०५४.०६
न स जीयते मरुतो न हन्यते न स्नेधति न व्यथते न रिष्यति ।
नास्य राय उप दस्यन्ति नोतय ऋषि वा यं राजानं वा सुषूदथ ॥ ५.०५४.०७
नियुत्वन्तो ग्रामजितो यथा नरोऽर्यमणो न मरुतः कबन्धिनः ।
पिन्वन्त्युत्सं यदिनासो अस्वरन्व्युन्दन्ति पृथिवीं मध्वो अन्धसा ॥ ५.०५४.०८
प्रवत्वतीयं पृथिवी मरुद्भ्यः प्रवत्वती द्यौर्भवति प्रयद्भ्यः ।
प्रवत्वतीः पथ्या अन्तरिक्ष्याः प्रवत्वन्तः पर्वता जीरदानवः ॥ ५.०५४.०९
यन्मरुतः सभरसः स्वर्णरः सूर्य उदिते मदथा दिवो नरः ।
न वोऽश्वाः श्रथयन्ताह सिन्नतः सद्यो अस्याध्वनः पारमश्रुथ ॥ ५.०५४.१०
अंसेषु व ऋष्टयः पत्सु खादयो वक्षस्सु रुक्मा मरुतो रथे शुभः ।
अग्निभ्राजसो विद्युतो गभस्त्योः शिप्राः शीर्षसु वितता हिरण्ययीः ॥ ५.०५४.११
तं नाकमर्यो अगृभीतशोचिषं रुशत्पिप्पलं मरुतो वि धूनुथ ।
समच्यन्त वृजनातिविषन्त यत्स्वरन्ति घोषं विततमृतायवः ॥ ५.०५४.१२
युष्मादत्तस्य मरुतो विचेतसो रायः स्याम रथ्योऽ वयस्वतः ।
न यो युच्छति तिष्योऽ यथा दिवोऽऽस्मे रारन्त मरुतः सहस्रिणम् ॥ ५.०५४.१३
यूयं रथिं मरुतः स्पर्हवीरं यूयमृषिमवथ सामविप्रम् ।
यूयमवन्तं भरताय वाजं यूयं धत्थ राजानं श्रुष्टिमन्तम् ॥ ५.०५४.१४
तद्वो यामि द्रविणं सद्यऊतयो येना स्वर्णं ततनाम नूरभि ।
इदं सु मे मरुतो हर्यता वचो यस्य तरेम तरसा शतं हिमाः ॥ ५.०५४.१५
प्रयज्यवो मरुतो भ्राजदृष्टयो बृहद्वयो दधिरे रुक्मवक्षसः ।
ईयन्ते अश्वैः सुयमेभिराशुभिः शुभं यातामनु रथा अवृत्सत ॥ ५.०५५.०१
स्वयं दधिध्वे तविषीं यथा विद बृहन्महान्त उर्विया वि राजथ ।
उतान्तरिक्षं ममिरे व्योजसा शुभं यातामनु रथा अवृत्सत ॥ ५.०५५.०२
साकं जाताः सुभ्वः साकमुक्षिताः श्रिये चिदा प्रतरं वावृधुर्नरः ।

वि॒रोकि॑णः॒ सूर्य॑स्येव॒ रश्मयः॑ शु॒भं या॑तामनु॒ रथा॑ अवृत्सत ॥ ५.०५५.०३
 आ॒भूषे॑ण्यं वो मरुतो महि॒त्वनं॑ दि॒दृक्षे॑ण्यं सूर्य॑स्येव च॒क्षणम् ।
 उ॒तो अ॒स्माँ अ॒मृत॑त्वे दधातन शु॒भं या॑तामनु॒ रथा॑ अवृत्सत ॥ ५.०५५.०४
 उदी॑रयथा मरुतः समु॒द्रतो॑ यूयं वृष्टिं॑ वर्षयथा पुरीषिणः ।
 न वो द॒स्ना उप॑ दस्यन्ति धे॒नवः॑ शु॒भं या॑तामनु॒ रथा॑ अवृत्सत ॥ ५.०५५.०५
 यद॒श्वान्धूर्षु॑ पृषती॒रयु॑ग्ध्वं हि॒रण्यया॑न्प्रत्य॒त्काँ अ॒मुग्ध॑वम् ।
 विश्वा॑ इ॒त्स्पृधो॑ मरुतो व्यस्यथ शु॒भं या॑तामनु॒ रथा॑ अवृत्सत ॥ ५.०५५.०६
 न पर्व॑ता न नद्यो वरन्त वो यत्रा॒चिध्वं॑ मरुतो गच्छ॒थेदु॑ तत् ।
 उ॒त द्यावा॑पृथि॒वी या॑थना परि शु॒भं या॑तामनु॒ रथा॑ अवृत्सत ॥ ५.०५५.०७
 यत्पूर्व्यं॑ मरुतो यच्च नूतनं॑ यदुद्यते वसवो यच्च शस्यते ।
 विश्व॑स्य तस्य भवथा नवेदसः शु॒भं या॑तामनु॒ रथा॑ अवृत्सत ॥ ५.०५५.०८
 मृ॒ळत॑ नो मरुतो मा वधि॒ष्टना॑स्मभ्यं शर्म॑ बहुलं वि यन्तन ।
 अधि॑ स्तोत्रस्य स॒ख्यस्य॑ गातन शु॒भं या॑तामनु॒ रथा॑ अवृत्सत ॥ ५.०५५.०९
 यूय॑मस्मान्नयत वस्यो अ॒च्छा नि॑रह॒तिभ्यो॑ मरुतो गृणा॒नाः ।
 जुष॑ध्वं नो ह॒व्यदा॑तिं यजत्रा वयं स्याम॑ पतयो रयी॒णाम् ॥ ५.०५५.१०
 अग्ने॑ शर्धन्तमा गणं पिष्टं रु॒क्मेभि॑रञ्जिभिः ।
 विशो॑ अद्य मरुतामव ह्वये दि॒वश्चि॑द्रो॒चनादधि॑ ॥ ५.०५६.०१
 यथा चि॒न्मन्य॑से हृदा तदिन्मे जग्मुरा॒शसः॑ ।
 ये ते नेदि॑ष्ठं ह॒वनान्या॑गमन्तान्वर्ध॑ भीमसदृशः ॥ ५.०५६.०२
 मी॒व्हुष्म॑तीव पृथि॒वी परा॑हता म॒दन्त्ये॒त्यस्मदा॑ ।
 ऋ॒क्षो न वो॑ मरुतः शिमी॒वाँ अ॒मो दु॒धो गौ॑रिव भीम॒युः ॥ ५.०५६.०३
 नि ये रि॒णन्त्यो॑जसा वृथा गावो न दु॒र्धुरः॑ ।
 अश्मानं चि॒त्स्वर्य॑ष पर्वतं गिरिं प्र च्यावयन्ति यामभिः ॥ ५.०५६.०४
 उत्तिष्ठ॑ नूनमेषां स्तोमैः समु॒क्षितानाम् ।
 मरु॑तां पुरु॒तम॑मपूर्व्यं गवां स॒र्गमि॑व ह्वये ॥ ५.०५६.०५
 यु॒ङ्घ्वं ह्य॑रुषी रथे यु॒ङ्घ्वं रथे॑षु रोहितः ।
 यु॒ङ्घ्वं हरी॑ अजि॒रा धुरि॑ वो॒व्हवे॑ वहिष्ठा धुरि॑ वो॒व्हवे॑ ॥ ५.०५६.०६

उ॒त स्य॑ वा॒ज्य॒रुष॑स्तु॒विष्व॑णि॒रिह॑ स्म॒ धायि॑ दर्श॒तः ।
 मा वो॑ यामेषु॒ मरु॑तश्चि॒रं कर॑त्प्र॒ तं रथे॑षु चोदत ॥ ५.०५६.०७
 रथं॑ नु॒ मारु॑तं वयं॑ श्रव॒स्युमा॑ हुवामहे ।
 आ यस्मि॑न्त॒स्थौ सुर॑णानि॒ बिभ्र॑ती स॒चा म॑रु॒त्सु रो॑द॒सी ॥ ५.०५६.०८
 तं वः॑ शर्धं॒ रथे॑शुभं॒ त्वेषं॑ प॒नस्यु॑मा हुवे ।
 यस्मि॑न्सुजा॒ता सु॒भगा॑ मही॒यते॑ स॒चा म॑रु॒त्सु मी॑व्हुषी ॥ ५.०५६.०९
 आ रु॒द्रास॑ इन्द्र॒वन्तः स॒जोष॑सो॒ हिर॑ण्य॒रथाः सु॒विता॑य॒ गन्त॑न ।
 इयं॑ वो॒ अस्म॑त्प्रति॒ हर्य॑ते॒ मति॑स्तु॒ष्णाजे॑ न दि॒व उत्सा॑ उद॒न्यवे॑ ॥ ५.०५७.०१
 वाशी॑मन्त॒ ऋष्टि॑मन्तो॒ मनी॑षिणः॒ सुध॑न्वा॒न इ॒षुम॑न्तो॒ निष॑ङ्गिणः ।
 स्वश्वाः॑ स्थ॒ सुर॑थाः पृ॒श्निमा॑तरः॒ स्वायु॑धा॒ मरु॑तो याथ॒ना शु॑भम् ॥ ५.०५७.०२
 धूनु॑थ द्यां पर्व॒तान्दा॑शुषे॒ वसु॑ नि वो॒ वना॑ जिहते॒ याम॑नो भि॒या ।
 को॒पय॑थ पृथि॒र्वी पृ॑श्निमा॒तरः शु॑भे यदु॒ग्राः पृ॑षती॒रयु॑ग्वम् ॥ ५.०५७.०३
 वा॒त॒त्विषो॑ म॒रुतो॑ वर्ष॒निर्णि॑जो॒ यमा॑ इव॒ सुस॑दृशः सु॒पेश॑सः ।
 पि॒शङ्गा॑श्वा अ॒रुणा॑श्वा अ॒रेप॑सः प्र॒त्वक्ष॑सो म॒हिना॑ द्यौरि॒वोर॑वः ॥ ५.०५७.०४
 पु॒रु॒द्रप्सा॑ अ॒ङ्गि॒मन्तः॑ सु॒दान॑वस्त्वेष॒सदृ॑शो॒ अन॑व॒भ्राध॑सः ।
 सु॒जा॒तासो॑ ज॒नुषा॑ रु॒क्म॑वक्ष॒सो दि॒वो अ॒र्का अ॒मृतं॑ नाम॒ भेजि॑रे ॥ ५.०५७.०५
 ऋ॒ष्टयो॑ वो मरु॒तो अंस॑यो॒रधि॑ सह॒ ओजो॑ बा॒ह्वोर्वो॑ बलं॒ हित॑म् ।
 नृ॒म्णा शी॑र्ष॒स्वायु॑धा॒ रथे॑षु वो॒ विश्वा॑ वः श्री॒रधि॑ त॒नूपु॑ पिपि॒शे ॥ ५.०५७.०६
 गो॒मद॑श्वा॒वद्र॑थवत्सु॒वीर॑ च॒न्द्रव॑द्राधो॒ मरु॑तो ददा नः ।
 प्र॒शस्तिं॑ नः कृ॒णुत॑ रु॒द्रिया॑सो भ॒क्षीय॑ वोऽव॒सो दै॒व्यस्य॑ ॥ ५.०५७.०७
 ह्ये॑ नरो॒ मरु॑तो मृ॒ळता॑ न॒स्तु॒वीम॑घासो॒ अमृ॑ता॒ ऋत॑ज्ञाः ।
 स॒त्यश्रु॑तः क॒वयो॑ यु॒वानो॑ बृ॒हद्वि॑रयो॒ बृह॑दु॒क्षमा॑णाः ॥ ५.०५७.०८
 तमु॑ नूनं॒ तवि॑षीमन्त॒मेषां॑ स्तु॒षे ग॑णं॒ मारु॑तं॒ नव्य॑सीनाम् ।
 य आ॒श्वश्वा॑ अ॒मव॑द्वहन्त॒ उते॑शिरे॒ अमृ॑तस्य॒ स्वरा॑जः ॥ ५.०५८.०१
 त्वेषं॑ ग॒णं त॒वसं॑ खादि॒हस्तं॑ धु॒निव्र॑तं॒ मायि॑नं॒ दाति॑वारम् ।
 म॒यो॒भुवो॑ ये अ॒मिता॑ म॒हित्वा॑ वन्द॒स्व वि॑प्र॒ तुवि॑राध॒सो नृ॑न् ॥ ५.०५८.०२
 आ वो॑ यन्तू॒दवा॑हासो॒ अद्य॑ वृ॒ष्टिं ये॑ विश्वे॒ मरु॑तो॒ जुन॑न्ति ।

अयं यो अग्निमरुतः समिद्ध एतं जुषध्वं कवयो युवानः ॥ ५.०५८.०३
 यूयं राजानमिर्यं जनाय विभ्वतष्टं जनयथा यजत्राः ।
 युष्मदैति मुष्टिहा बाहुजूतो युष्मत्सदश्वो मरुतः सुवीरः ॥ ५.०५८.०४
 अरा इवेदचरमा अहेव प्रप्र जायन्ते अकवा महोभिः ।
 पृश्रेः पुत्रा उपमासो रभिष्ठाः स्वया मत्या मरुतः सं मिमिक्षुः ॥ ५.०५८.०५
 यत्प्रायासिष्ट पृषतीभिरश्वैर्वीळुपविभिर्मरुतो रथेभिः ।
 क्षोदन्त आपो रिणते वनान्यवोस्त्रियो वृषभः क्रन्दतु द्यौः ॥ ५.०५८.०६
 प्रथिष्ट यामन्युथिवी चिदेषां भर्तेव गर्भं स्वमिच्छवो धुः ।
 वातान्द्वश्वान्धुर्यायुयुजे वर्षं स्वेदं चक्रिरे रुद्रियासः ॥ ५.०५८.०७
 हये नरो मरुतो मृळता नस्तुवीमघासो अमृता ऋतज्ञाः ।
 सत्यश्रुतः कवयो युवानो बृहद्भिरयो बृहदुक्षमाणाः ॥ ५.०५८.०८
 प्र वः स्पळक्रन्सुविताय दावनेऽर्वा दिवे प्र पृथिव्या ऋतं भरे ।
 उक्षन्ते अश्वान्तरुषन्त आ रजोऽनु स्वं भानुं श्रथयन्ते अर्णवैः ॥ ५.०५९.०१
 अमादेषां भियसा भूमिरेजति नौर्न पूर्णा क्षरति व्यथिर्यती ।
 दूरेदृशो ये चितयन्त एमभिरन्तर्महे विदथे येतिरे नरः ॥ ५.०५९.०२
 गवामिव श्रियसे शृङ्गमुत्तमं सूर्यो न चक्षु रजसो विसर्जने ।
 अत्या इव सुभ्वश्शारवः स्थन मर्या इव श्रियसे चेतथा नरः ॥ ५.०५९.०३
 को वो महान्ति महतामुदश्रवत्कस्काव्या मरुतः को ह पौस्या ।
 यूयं ह भूमि किरणं न रेजथ प्र यद्भरध्वे सुविताय दावने ॥ ५.०५९.०४
 अश्व इवेदरुपासः सबन्धवः शूरा इव प्रयुधः प्रोत युयुधुः ।
 मर्या इव सुवृधो वावृधुर्नरः सूर्यस्य चक्षुः प्र मिनन्ति वृष्टिभिः ॥ ५.०५९.०५
 ते अज्येष्ठा अकनिष्ठास उद्भिदोऽमध्यमासो महसा वि वावृधुः ।
 सुजातासो जनुषा पृश्निमातरो दिवो मर्या आ नो अच्छा जिगातन ॥ ५.०५९.०६
 वयो न ये श्रेणीः पप्तुरोजसान्तान्दिवो बृहतः सानुनस्परि ।
 अश्वस एषामुभये यथा विदुः प्र पर्वतस्य नभन्नूरचुच्यवुः ॥ ५.०५९.०७
 मिमातु द्यौरदितिर्वीतये नः सं दानुचित्रा उषसो यतन्ताम् ।
 आच्यवुर्विद्व्यं कोशमेत ऋषे रुद्रस्य मरुतो गृणानाः ॥ ५.०५९.०८

ईळे अग्निं स्ववसं नमोभिरिह प्रसत्तो वि चयत्कृतं नः ।
 रथैरिव प्र भरे वाजयद्भिः प्रदक्षिणिन्मरुतां स्तोममृध्याम् ॥ ५.०६०.०१
 आ ये तस्थुः पृषतीषु श्रुतासु सुखेषु रुद्रा मरुतो रथेषु ।
 वना चिदुग्रा जिहते नि वो भिया पृथिवी चिद्रेजते पर्वतश्चित् ॥ ५.०६०.०२
 पर्वतश्चिन्महि वृद्धो बिभाय दिवश्चित्सानु रेजत स्वने वः ।
 यत्क्रीळथ मरुत ऋष्टिमन्त आप इव सध्यञ्चो धवध्वे ॥ ५.०६०.०३
 वरा इवेद्रैवतासो हिरण्यैरभि स्वधाभिस्तन्वः पिपिश्रे ।
 श्रिये श्रेयांसस्तवसो रथेषु सत्रा महासि चक्रिरे तनूषु ॥ ५.०६०.०४
 अज्येष्टासो अकनिष्ठास एते सं भ्रातरो वावृधुः सौभगाय ।
 युवा पिता स्वपा रुद्र एषां सुदुघा पृश्रिः सुदिना मरुद्भ्यः ॥ ५.०६०.०५
 यदुत्तमे मरुतो मध्यमे वा यद्वावमे सुभगासो दिवि ष्ट ।
 अतो नो रुद्रा उत वा न्वशस्याग्ने वित्ताद्धविषो यद्यजाम ॥ ५.०६०.०६
 अग्निश्च यन्मरुतो विश्ववेदसो दिवो वहध्व उत्तरादधि ष्णुभिः ।
 ते मन्दसाना धुनयो रिशादसो वामं धत्त यजमानाय सुन्वते ॥ ५.०६०.०७
 अग्ने मरुद्भिः शुभयद्भिर्ऋक्भिः सोमं पिब मन्दसानो गणश्रिभिः ।
 पावकेभिर्विश्वमिन्वेभिरायुभिर्वैश्वानर प्रदिवा केतुना सजूः ॥ ५.०६०.०८
 के ष्टा नरः श्रेष्ठतमा य एकएक आयय ।
 परमस्याः परावतः ॥ ५.०६१.०१
 क्र१ वोऽश्वाः क्वा३भीशवः कथं शोक कथा यय ।
 पृष्ठे सदो नसौर्यमः ॥ ५.०६१.०२
 जघने चोद एषां वि सक्थानि नरो यमुः ।
 पुत्रकृथे न जनयः ॥ ५.०६१.०३
 परा वीरास एतन मर्यासो भद्रजानयः ।
 अग्नितपो यथासथ ॥ ५.०६१.०४
 सनत्साश्व्यं पशुमुत गव्यं शतावयम् ।
 श्यावाश्वस्तुताय या दोर्वीरायोपबर्बृहत् ॥ ५.०६१.०५
 उत त्वा स्त्री शशीयसी पुंसो भवति वस्यसी ।

अदेवत्रादराधसः ॥ ५.०६१.०६

वि या जानाति जसुरिं वि तृष्यन्तं वि कामिनम् ।

देवत्रा कृणुते मनः ॥ ५.०६१.०७

उत घा नेमो अस्तुतः पुमाँ इति ब्रुवे पणिः ।

स वैरदेय इत्समः ॥ ५.०६१.०८

उत मेऽरपद्युवतिर्ममन्दुषी प्रति श्यावाय वर्तनिम् ।

वि रोहिता पुरुमीब्हाय येमतुर्विप्राय दीर्घयशसे ॥ ५.०६१.०९

यो मे धेनूनां शतं वैददश्चिर्यथा ददत् ।

तरन्त इव मंहना ॥ ५.०६१.१०

य ईं वहन्त आशुभिः पिबन्तो मदिरं मधु ।

अत्र श्रवांसि दधिरे ॥ ५.०६१.११

येषां श्रियाधि रोदसी विभ्राजन्ते रथेष्व ।

दिवि रुक्म इवोपरि ॥ ५.०६१.१२

युवा स मारुतो गणस्त्वेषरथो अनेद्यः ।

शुभ्यावाप्रतिष्कृतः ॥ ५.०६१.१३

को वेद नूनमेषां यत्रा मदन्ति धूतयः ।

ऋतजाता अरेपसः ॥ ५.०६१.१४

यूयं मर्तं विपन्यवः प्रणेतार इत्था धिया ।

श्रोतारो यामहूतिषु ॥ ५.०६१.१५

ते नो वसूनि काम्या पुरुश्चन्द्रा रिशादसः ।

आ यज्ञियासो ववृत्तन ॥ ५.०६१.१६

एतं मे स्तोममूर्म्ये दार्भ्याय परा वह ।

गिरो देवि रथीरिव ॥ ५.०६१.१७

उत मे वोचतादिति सुतसोमे रथवीतौ ।

न कामो अप वेति मे ॥ ५.०६१.१८

एष क्षेति रथवीतिर्मघवा गोमतीरनु ।

पर्वतेष्वपश्रितः ॥ ५.०६१.१९

ऋतेन ऋतमपिहितं ध्रुवं वां सूर्यस्य यत्र विमुचन्त्यश्वान् ।
 दश शता सह तस्थुस्तदेकं देवानां श्रेष्ठं वपुषामपश्यम् ॥ ५.०६२.०१
 तत्सु वां मित्रावरुणा महित्वमीर्मा तस्थुषीरहभिर्दुदुहे ।
 विश्वाः पिन्वथः स्वसरस्य धेना अनु वामेकः पविरा वर्तते ॥ ५.०६२.०२
 अधारयतं पृथिवीमुत द्यां मित्रराजाना वरुणा महौभिः ।
 वर्धयतमोषधीः पिन्वतं गा अव वृष्टिं सृजतं जीरदानू ॥ ५.०६२.०३
 आ वामश्वासः सुयुजो वहन्तु यतरश्मय उप यन्त्वर्वाक् ।
 घृतस्य निर्णिगनु वर्तते वामुप सिन्धवः प्रदिवि क्षरन्ति ॥ ५.०६२.०४
 अनु श्रुताममतिं वर्धदुर्वी बर्हिरीव यजुषा रक्षमाणा ।
 नमस्वन्ता धृतदक्षाधि गर्ते मित्रासाथे वरुणेळास्वन्तः ॥ ५.०६२.०५
 अक्रविहस्ता सुकृते परस्पा यं त्रासाथे वरुणेळास्वन्तः ।
 राजाना क्षत्रमहणीयमाना सहस्रस्थूणं बिभृथः सह द्वौ ॥ ५.०६२.०६
 हिरण्यनिर्णिगयो अस्य स्थूणा वि भ्राजते दिव्यश्वजनीव ।
 भद्रे क्षेत्रे निमिता तिल्विले वा सनेम मध्वो अधिगर्त्यस्य ॥ ५.०६२.०७
 हिरण्यरूपमुषसो व्युष्टावयःस्थूणमुदिता सूर्यस्य ।
 आ रोहथो वरुण मित्र गर्तमतश्चक्षाथे अदितिं दितिं च ॥ ५.०६२.०८
 यद्वंहिष्टं नातिविधे सुदानू अच्छिद्रं शर्म भुवनस्य गोपा ।
 तेन नो मित्रावरुणावविष्टं सिषासन्तो जिगीवांसः स्याम ॥ ५.०६२.०९
 ऋतस्य गोपावधि तिष्ठथो रथं सत्यधर्माणा परमे व्योमनि ।
 यमत्र मित्रावरुणावथो युवं तस्मै वृष्टिर्मधुमत्पिन्वते दिवः ॥ ५.०६३.०१
 सम्राजावस्य भुवनस्य राजथो मित्रावरुणा विदथे स्वर्दृशा ।
 वृष्टिं वां राधो अमृतत्वमीमहे द्यावापृथिवी वि चरन्ति तन्यवः ॥ ५.०६३.०२
 सम्राजा उग्रा वृषभा दिवस्पती पृथिव्या मित्रावरुणा विचर्षणी ।
 चित्रेभिरभ्रैरुप तिष्ठथो रवं द्यां वर्षयथो असुरस्य मायया ॥ ५.०६३.०३
 माया वां मित्रावरुणा दिवि श्रिता सूर्यो ज्योतिश्चरति चित्रमायुधम् ।
 तमभ्रेण वृष्ट्या गूहथो दिवि पर्जन्य द्रप्सा मधुमन्त ईरते ॥ ५.०६३.०४
 रथं युञ्जते मरुतः शुभे सुखं शूरो न मित्रावरुणा गविष्टिषु ।

रजांसि चित्रा वि चरन्ति तन्यवो दिवः सम्राजा पयसा न उक्षतम् ॥ ५.०६३.०५
 वाचं सु मित्रावरुणाविरावतीं पर्जन्यश्चित्रां वदति त्विषीमतीम् ।
 अम्ना वसत मरुतः सु मायया द्यां वर्षयतमरुणामरेपसम् ॥ ५.०६३.०६
 धर्मणा मित्रावरुणा विपश्चिता व्रता रक्षथे असुरस्य मायया ।
 ऋतेन विश्वं भुवनं वि राजथः सूर्यमा धत्थो दिवि चित्र्यं रथम् ॥ ५.०६३.०७
 वरुणं वो रिशादसमृचा मित्रं हवामहे ।
 परि व्रजेव बाह्वोर्जगन्वांसा स्वर्णरम् ॥ ५.०६४.०१
 ता बाहवा सुचेतुना प्र यन्तमस्मा अर्चते ।
 शेवं हि जार्यं वां विश्वासु क्षासु जोगुवे ॥ ५.०६४.०२
 यन्नूनमश्यां गतिं मित्रस्य यायां पथा ।
 अस्य प्रियस्य शर्मण्यहिंसानस्य सश्चिरे ॥ ५.०६४.०३
 युवाभ्यां मित्रावरुणोपमं धेयामृचा ।
 यद्ध क्षये मघोनां स्तोतृणां च स्पर्धसे ॥ ५.०६४.०४
 आ नो मित्र सुदीतिभिर्वरुणश्च सधस्थ आ ।
 स्वे क्षये मघोनां सखीनां च वृधसे ॥ ५.०६४.०५
 युवं नो येषु वरुण क्षत्रं बृहच्च विभृथः ।
 उरु णो वाजसातये कृतं राये स्वस्तये ॥ ५.०६४.०६
 उच्छन्त्यां मे यजता देवक्षत्रे रुशद्भवि ।
 सुतं सोमं न हस्तिभिरा पङ्क्तिर्धावतं नरा बिभ्रतावर्चनानसम् ॥ ५.०६४.०७
 यश्चिकेत स सुक्रतुर्देवत्रा स ब्रवीतु नः ।
 वरुणो यस्य दर्शतो मित्रो वा वनते गिरः ॥ ५.०६५.०१
 ता हि श्रेष्ठवर्चसा राजाना दीर्घश्रुत्तमा ।
 ता सत्पती ऋतावृध ऋतावाना जनेजने ॥ ५.०६५.०२
 ता वामियानोऽवसे पूर्वा उप ब्रुवे सचा ।
 स्वश्वासः सु चेतुना वाजां अभि प्र दावने ॥ ५.०६५.०३
 मित्रो अंहोश्चिदादुरु क्षयाय गातुं वनते ।
 मित्रस्य हि प्रतूवतः सुमतिरस्ति विधतः ॥ ५.०६५.०४

वयं मित्रस्यावसि स्याम सप्रथस्तमे ।
 अनेहसस्त्वोतयः सत्रा वरुणशेषसः ॥ ५.०६५.०५
 युवं मित्रेमं जनं यतथः सं च नयथः ।
 मा मघोनः परि ख्यतं मो अस्माकमृषीणां गोपीथे न उरुष्यतम् ॥ ५.०६५.०६
 आ चिकितान सुक्रतू देवौ मर्त रिशादसा ।
 वरुणाय ऋतपेशसे दधीत प्रयसे महे ॥ ५.०६६.०१
 ता हि क्षत्रमविहुतं सम्यगसुर्यशमाशाते ।
 अध ब्रतेव मानुषं स्वर्षणं धायि दर्शतम् ॥ ५.०६६.०२
 ता वामेषे रथानामुर्वी गव्यूतिमेषाम् ।
 रातहव्यस्य सुष्टुतिं दधृक्स्तोमैर्मनामहे ॥ ५.०६६.०३
 अधा हि काव्या युवं दक्षस्य पूर्भिरद्भुता ।
 नि केतुना जनानां चिकेथे पूतदक्षसा ॥ ५.०६६.०४
 तदृतं पृथिवि बृहच्छ्रवणेष ऋषीणाम् ।
 ज्ञयसानावरं पृथ्वति क्षरन्ति यामभिः ॥ ५.०६६.०५
 आ यद्वामीयचक्षसा मित्र वयं च सूरयः ।
 व्यचिष्ठे बहुपाय्ये यतेमहि स्वराज्ये ॥ ५.०६६.०६
 बळित्था देव निष्कृतमादित्या यजतं बृहत् ।
 वरुण मित्रार्यमन्वषिष्ठं क्षत्रमाशाथे ॥ ५.०६७.०१
 आ यद्योनि हिरण्ययं वरुण मित्र सदथः ।
 धर्तारा चर्षणीनां यन्तं सुम्रं रिशादसा ॥ ५.०६७.०२
 विश्वे हि विश्ववेदसो वरुणो मित्रो अर्यमा ।
 ब्रता पदेव सश्चिरे पान्ति मर्त्यं रिषः ॥ ५.०६७.०३
 ते हि सत्या ऋतस्पृश ऋतावानो जनैजने ।
 सुनीथासः सुदानवोऽहोश्चिदुरुचक्रयः ॥ ५.०६७.०४
 को नु वा मित्रास्तुतो वरुणो वा तनूनाम् ।
 तत्सु वामेषते मतिरत्रिभ्य एषते मतिः ॥ ५.०६७.०५
 प्र वो मित्राय गायत वरुणाय विपा गिरा ।

महि॑क्षत्रा॒वृतं॑ बृ॒हत् ॥ ५.०६८.०१
स॒म्राजा॑ या घृ॒तयो॑नी मि॒त्रश्चो॑भा वरुणश्च ।
दे॒वा दे॒वेषु॑ प्रश॒स्ता ॥ ५.०६८.०२
ता नः॑ श॒क्तं पा॑र्थि॒वस्य॑ म॒हो रा॒यो दि॒व्यस्य॑ ।
महि॑ वां क्ष॒त्रं दे॒वेषु॑ ॥ ५.०६८.०३
ऋ॒तमृ॑तेन स॒पन्ते॑षि॒रं दक्ष॑माशाते ।
अ॒द्रुहा॑ दे॒वो वर्धे॑ते ॥ ५.०६८.०४
वृ॒ष्टिद्या॑वा री॒त्यापे॑ष॒स्पती॑ दानु॒मत्याः॑ ।
बृ॒हन्तं॑ ग॒र्तमा॑शाते ॥ ५.०६८.०५
त्री रो॑चना वरुण त्री॑रु॒त द्यू॒त्रीणि॑ मि॒त्र धा॑रयथो रजा॑सि ।
वा॒वृधा॑ना॒वम॑तिं क्ष॒त्रिय॑स्यानु व्र॒तं रक्ष॑माणाव॒जुर्य॑म् ॥ ५.०६९.०१
इ॒राव॑तीर्वरुण धे॒नवो॑ वां मधु॒मद्वां सि॒न्धवो॑ मि॒त्र दु॒हे ।
त्रय॑स्त॒स्थुर्वृष॑भास॒स्ति॒सृणां॑ धि॒षणा॑नां रे॒तोधा॑ वि द्यु॒मन्तः॑ ॥ ५.०६९.०२
प्रा॒तर्दे॒वीम॑दि॒तिं जो॒ह्वीमि॑ म॒ध्यंदि॑न उ॒दिता॑ सूर्य॒स्य ।
रा॒ये मि॒त्राव॑रुणा॒ सर्व॑ता॒तेळं॑ तो॒काय॑ तनया॒य शं योः॑ ॥ ५.०६९.०३
या ध॑र्ता॒रा रज॑सो रो॒चन॑स्यो॒तादि॑त्या दि॒व्या पा॑र्थि॒वस्य॑ ।
न वां दे॒वा अ॒मृता॑ आ मि॒नन्ति॑ व्र॒तानि॑ मि॒त्राव॑रुणा ध्रु॒वाणि॑ ॥ ५.०६९.०४
पु॒रू॒रुणा॑ चि॒द्ध्यस्त्य॑वो नूनं॑ वा वरुण ।
मि॒त्र वंसि॑ वां सु॒मति॑म् ॥ ५.०७०.०१
ता वां स॒म्यग॑द्रु॒ह्वाणे॑षम॒श्याम॑ धाय॒से ।
वयं॑ ते रु॒द्रा स्या॑म ॥ ५.०७०.०२
पा॒तं नो॑ रु॒द्रा पा॑युभि॒रुत॑ त्रायेथां सु॒त्रात्रा॑ ।
तु॒र्याम॑ दस्यु॒न्त॒नूभिः॑ ॥ ५.०७०.०३
मा क॑स्या॒द्भुत॑क्र॒तू य॒क्षं भु॑जेमा त॒नूभिः॑ ।
मा शे॑षसा॒ मा तन॑सा ॥ ५.०७०.०४
आ नो॑ गन्तं रिशा॒दसा॑ वरुण मि॒त्र ब॒र्हणा॑ ।
उ॒पे॒मं चा॑रु॒मध्व॑रम् ॥ ५.०७१.०१

विश्वस्य हि प्रचेतसा वरुण मित्र राजथः ।
 ईशाना पिप्यतं धियः ॥ ५.०७१.०२
 उप नः सुतमा गतं वरुण मित्र दाशुषः ।
 अस्य सोमस्य पीतये ॥ ५.०७१.०३
 आ मित्रे वरुणे वयं गीर्भिर्जुहुमो अत्रिवत् ।
 नि बर्हिषि सदतं सोमपीतये ॥ ५.०७२.०१
 व्रतेन स्थो ध्रुवक्षमा धर्मणा यातयञ्जना ।
 नि बर्हिषि सदतं सोमपीतये ॥ ५.०७२.०२
 मित्रश्च नो वरुणश्च जुषेता यज्ञमिष्टये ।
 नि बर्हिषि सदतां सोमपीतये ॥ ५.०७२.०३
 यदद्य स्थः परावति यदर्वावत्यश्विना ।
 यद्वा पुरू पुरुभुजा यदन्तरिक्ष आ गतम् ॥ ५.०७३.०१
 इह त्या पुरुभूतमा पुरू दंसांसि बिभ्रता ।
 वरस्या याम्यधिगू हुवे तुविष्टमा भुजे ॥ ५.०७३.०२
 ईर्मान्यद्वपुषे वपुश्चक्रं रथस्य येमथुः ।
 पर्यन्या नाहुषा युगा महा रजांसि दीयथः ॥ ५.०७३.०३
 तद् षु वामेना कृतं विश्वा यद्वामनु ष्टवे ।
 नाना जातावरेपसा समस्मे बन्धुमेयथुः ॥ ५.०७३.०४
 आ यद्वा सूर्या रथं तिष्ठद्रघुष्यदं सदा ।
 परि वामरुषा वयो घृणा वरन्त आतपः ॥ ५.०७३.०५
 युवोरत्रिश्चिकेतति नरा सुम्नेन चेतसा ।
 घर्मं यद्वामरेपसं नासत्यास्ना भुरण्यति ॥ ५.०७३.०६
 उग्रो वां ककुहो ययिः शृण्वे यामेषु संतनिः ।
 यद्वां दंसोभिरश्विनात्रिर्नराववर्तति ॥ ५.०७३.०७
 मध्व ऊ षु मधूयुवा रुद्रा सिषक्ति पिप्युषी ।
 यत्समुद्राति पपथः पक्काः पृक्षो भरन्त वाम् ॥ ५.०७३.०८
 सत्यमिद्वा उ अश्विना युवामाहुर्मयोभुवा ।

ता यामन्यामहूतमा यामन्ना मृळयत्तमा ॥ ५.०७३.०९
 इमा ब्रह्माणि वर्धनाश्विभ्यां सन्तु शंतमा ।
 या तक्षाम रथौ इवावोचाम बृहन्नमः ॥ ५.०७३.१०
 कृष्टो देवावश्विनाद्या दिवो मनावसू ।
 तच्छ्रवथो वृषण्वसू अत्रिर्वामा विवासति ॥ ५.०७४.०१
 कुह त्या कुह नु श्रुता दिवि देवा नासत्या ।
 कस्मिन्ना यतथो जने को वां नदीनां सचा ॥ ५.०७४.०२
 कं याथः कं ह गच्छथः कमच्छा युञ्जाथे रथम् ।
 कस्य ब्रह्माणि रण्यथो वयं वामुश्मसीष्टये ॥ ५.०७४.०३
 पौरं चिद्ध्युदप्रुतं पौर पौराय जिन्वथः ।
 यदीं गृभीततातये सिंहमिव द्रुहस्पदे ॥ ५.०७४.०४
 प्र च्यवानाञ्जुजुरुषो वत्रिमत्कं न मुञ्चथः ।
 युवा यदी कृथः पुनरा काममृण्वे वध्वः ॥ ५.०७४.०५
 अस्ति हि वामिह स्तोता स्मसि वां सदृशि श्रिये ।
 नू श्रुतं म आ गतमवोभिर्वाजिनीवसू ॥ ५.०७४.०६
 को वामद्य पुरूणामा वत्रे मत्यानाम् ।
 को विप्रो विप्रवाहसा को यज्ञैर्वाजिनीवसू ॥ ५.०७४.०७
 आ वां रथो रथानां येष्टो यात्वश्विना ।
 पुरू चिदस्मयुस्तिर आङ्गपो मर्त्येष्व ॥ ५.०७४.०८
 शमू षु वां मधूयुवास्माकमस्तु चर्कृतिः ।
 अर्वाचीना विचेतसा विभिः श्येनेव दीयतम् ॥ ५.०७४.०९
 अश्विना यद्ध कहिं चिच्छुश्रूयातमिमं हवम् ।
 वस्वीरू षु वां भुजः पृञ्चन्ति सु वां पृचः ॥ ५.०७४.१०
 प्रति प्रियतमं रथं वृषणं वसुवाहनम् ।
 स्तोता वामश्विनावृषिः स्तोमेन प्रति भूषति माध्वी मम श्रुतं हवम् ॥ ५.०७५.०१
 अत्यायातमश्विना तिरो विश्वा अहं सना ।
 दस्रा हिरण्यवर्तनी सुपुम्रा सिन्धुवाहसा माध्वी मम श्रुतं हवम् ॥ ५.०७५.०२

आ नो रत्नानि विभ्रतावश्विना गच्छतं युवम् ।
 रुद्रा हिरण्यवर्तनी जुषाणा वाजिनीवसू माध्वी मम श्रुतं हवम् ॥ ५.०७५.०३
 सुष्टुभो वां वृषण्वसू रथे वाणीच्याहिता ।
 उत वां ककुहो मृगः पृक्षः कृणोति वापुषो माध्वी मम श्रुतं हवम् ॥ ५.०७५.०४
 बोधिन्मनसा रथ्येषिरा हवनश्रुता ।
 विभिश्च्यवानमश्विना नि याथो अद्वयाविनं माध्वी मम श्रुतं हवम् ॥ ५.०७५.०५
 आ वां नरा मनोयुजोऽश्वासः प्रुषितप्सवः ।
 वयो वहन्तु पीतये सह सुम्नेभिरश्विना माध्वी मम श्रुतं हवम् ॥ ५.०७५.०६
 अश्विनावेह गच्छतं नासत्या मा वि वेनतम् ।
 तिरिश्चिदर्यया परि वर्तिर्यातमदाभ्या माध्वी मम श्रुतं हवम् ॥ ५.०७५.०७
 अस्मिन्यज्ञे अदाभ्या जरितारं शुभस्पती ।
 अवस्युमश्विना युवं गुणन्तमुप भूषथो माध्वी मम श्रुतं हवम् ॥ ५.०७५.०८
 अभूदुषा रुशत्पशुराग्निरधाय्युत्वियः ।
 अयोजि वां वृषण्वसू रथो दस्रावमत्यो माध्वी मम श्रुतं हवम् ॥ ५.०७५.०९
 आ भात्यग्निरुषसामनीकमुद्विप्राणां देवया वाचो अस्थुः ।
 अर्वाश्चा नूनं रथ्येह यातं पीपिवांसमश्विना घर्ममच्छ ॥ ५.०७६.०१
 न संस्कृतं प्र मिमीतो गमिष्ठान्ति नूनमश्विनोपस्तुतेह ।
 दिवाभिपित्वेऽवसागमिष्ठा प्रत्यवर्तिं दाशुषे शम्भविष्ठा ॥ ५.०७६.०२
 उता यातं संगवे प्रातरहो मध्यंदिन उदिता सूर्यस्य ।
 दिवा नक्तमवसा शंतमेन नेदानीं पीतिरश्विना ततान ॥ ५.०७६.०३
 इदं हि वां प्रदिवि स्थानमोक इमे गृहा अश्विनेदं दुरोणम् ।
 आ नो दिवो बृहतः पर्वतादाद्ध्यो यातमिषमूर्जं वहन्ता ॥ ५.०७६.०४
 समश्विनोरवसा नूतनेन मयोभुवा सुप्रणीती गमेम ।
 आ नो रथिं वहतमोत वीराना विश्वान्यमृता सौभगानि ॥ ५.०७६.०५
 प्रातर्यावाणा प्रथमा यजध्वं पुरा गृध्रादररुषः पिबातः ।
 प्रातर्हि यज्ञमश्विना दधाते प्र शंसन्ति कवयः पूर्वभाजः ॥ ५.०७७.०१
 प्रातर्यजध्वमश्विना हिनोत न सायमस्ति देवया अजुष्टम् ।

उ॒तान्यो॑ अ॒स्मद्य॑ज॒ते वि॒ चावः॑ पू॒र्वःपू॒र्वो य॑ज॒मानो॑ वनी॒यान् ॥ ५.०७७.०२
 हि॒रण्य॑त्व॒ङ्गधु॑वर्णो घृ॒तसूः॑ पृ॒क्षो व॑ह॒न्ना र॑थो॒ वर्त॑ते॒ वाम् ।
 मनो॑ज॒वा अ॒श्विना॑ वा॒तार॑ह्ना॒ येना॑ति॒याथो॑ दु॒रितानि॑ वि॒श्वा ॥ ५.०७७.०३
 यो भू॒यिष्ठं॑ नास॒त्याभ्यां॑ वि॒वेष॑ च॒निष्ठं॑ पि॒त्वो र॑र॒ते वि॒भागे॑ ।
 स तो॑क॒मस्य॑ पी॒पर॑च्छ॒मीभि॑र॒नूर्ध्व॑भा॒सः स॑द॒मित्तु॑तु॒र्यात् ॥ ५.०७७.०४
 स॒म॒श्विनो॑र॒वसा॑ नू॒तने॑न म॒योभु॑वा सु॒प्रणी॑ती ग॒मेम॑ ।
 आ नो॑ र॒यिं व॑ह॒तमो॑त वी॒राना॑ वि॒श्वान्य॑मृ॒ता सौ॑भ॒गानि ॥ ५.०७७.०५
 अ॒श्विना॑वे॒ह ग॑च्छ॒तं ना॑स॒त्या मा॒ वि वे॑न॒तम् ।
 हंसा॑वि॒व प॑त॒तमा॒ सुताँ॑ उप ॥ ५.०७८.०१
 अ॒श्विना॑ ह॒रिणा॑वि॒व गौ॑रा॒विवानु॑ य॒वस॑म् ।
 हंसा॑वि॒व प॑त॒तमा॒ सुताँ॑ उप ॥ ५.०७८.०२
 अ॒श्विना॑ वा॒जिनी॑व॒सू जु॑षे॒था य॑ज्ञ॒मिष्ट॑ये ।
 हंसा॑वि॒व प॑त॒तमा॒ सुताँ॑ उप ॥ ५.०७८.०३
 अ॒त्रि॒र्य॒द्वा॒मव॑रोह॒न्नु॒बीस॑म॒जोह॑वी॒न्नाध॑माने॒व योषा॑ ।
 श्ये॑न॒स्य चि॒ञ्जव॑सा नू॒तने॑ना॒गच्छ॑त॒मश्वि॑ना श॒न्तमे॑न ॥ ५.०७८.०४
 वि जि॑ही॒ष्व व॑न॒स्पते॑ यो॒निः सू॒ष्यन्त्या॑ इ॒व ।
 श्रु॑तं मे॒ अश्वि॑ना ह॒वं स॑प्त॒वध्रिं॑ च मु॒ञ्चत॑म् ॥ ५.०७८.०५
 भी॑ता॒य ना॑ध॒मानाय॑ ऋ॒षये॑ स॒प्तव॑ध्रये ।
 मा॒याभि॑र॒श्विना॑ यु॒वं वृ॑क्षं सं च वि॒ चाच॑थः ॥ ५.०७८.०६
 यथा॑ वा॒तः पु॒ष्करि॑णी॒ समि॑ङ्ग॒यति॑ स॒र्वतः॑ ।
 ए॒वा ते॑ गर्भं ए॒जतु॑ नि॒रैतु॑ द॒शमा॑स्यः ॥ ५.०७८.०७
 यथा॑ वा॒तो यथा॑ व॒नं यथा॑ स॒मुद्र॑ ए॒जति॑ ।
 ए॒वा त्वं॑ द॒शमा॑स्य स॒हावे॑हि ज॒रायु॑णा ॥ ५.०७८.०८
 द॒श मा॑साञ्छ॒शयानः॑ कु॒मारो॑ अ॒धि मा॑तरि ।
 नि॒रैतु॑ जी॒वो अ॑क्ष॒तो जी॒वो जी॑व॒न्त्या अ॑धि ॥ ५.०७८.०९
 म॒हे नो॑ अ॒द्य बो॑ध॒योषो॑ रा॒ये दि॑वि॒त्मती॑ ।
 यथा॑ चि॒न्नो अ॑बो॒धयः॑ स॒त्यश्र॑व॒सि वा॒य्ये सु॑जा॒ते अ॑श्व॒सूनु॑ते ॥ ५.०७९.०१

या सुनी॑थे शौच॑द्रथे व्यौच्छो॑ दुहितर्दिवः ।
सा व्युच्छ॑ सही॑यसि सत्य॑श्रवसि वा॒य्ये सुजा॑ते अश्व॑सूनृते ॥ ५.०७९.०२
सा नो अ॒द्याभ॑रद्वसु॒र्व्युच्छा॑ दुहितर्दिवः ।
यो व्यौच्छः॑ सही॑यसि सत्य॑श्रवसि वा॒य्ये सुजा॑ते अश्व॑सूनृते ॥ ५.०७९.०३
अ॒भि ये त्वा वि॑भावरि॒ स्तोमै॑र्गृणन्ति॒ वह्यः॑ ।
मघै॑र्मघोनि सु॒श्रियो॑ दामन्वन्तः सु॒रातयः॑ सुजा॑ते अश्व॑सूनृते ॥ ५.०७९.०४
यच्चि॑द्धि ते गणा॒ इमे ह्य॑दयन्ति॒ मघ॑त्तये ।
परि॑ चिद्व॒ष्टयो॑ दधु॒र्ददतो॑ राधो अ॒हयं॑ सुजा॑ते अश्व॑सूनृते ॥ ५.०७९.०५
ऐषु॑ धा वी॒रवद्य॑श उषो मघोनि॒ सूरिषु॑ ।
ये नो राधा॑स्यह्या मघ॒वानो॑ अरा॒सत॑ सुजा॑ते अश्व॑सूनृते ॥ ५.०७९.०६
तेभ्यो॑ द्यु॒म्रं बृ॒हद्य॑श उषो मघो॒न्या वह॑ ।
ये नो राधा॑स्यश्व्या ग॒व्या भ॑जन्त॒ सूरयः॑ सुजा॑ते अश्व॑सूनृते ॥ ५.०७९.०७
उत॑ नो गो॒मती॑रिष आ वहा॒ दुहितर्दिवः॑ ।
साकं॑ सूर्य॒स्य रश्मि॑भिः शु॒क्रैः शोच॑द्भिरर्चि॒भिः सुजा॑ते अश्व॑सूनृते ॥ ५.०७९.०८
व्युच्छा॑ दुहितर्दिवो मा चि॒रं तनु॑था अपः ।
नेत्वा॑ स्तेनं॒ यथा रि॑पुं तपाति॒ सूरौ अ॑र्चिषा सुजा॑ते अश्व॑सूनृते ॥ ५.०७९.०९
ए॒तावद्वे॑दुष॒स्त्वं भूयो॑ वा दातुमर्हसि ।
या स्तो॑तृभ्यो विभावर्युच्छन्ती॒ न प्र॑मीयसे सुजा॑ते अश्व॑सूनृते ॥ ५.०७९.१०
द्युत॑द्यामानं बृ॒हती॑मृतेन॒ ऋता॑वरीमरुण॒प्सु वि॑भातीम् ।
दे॒वीमुष॑सं स्व॒राव॑हन्तीं प्रति॒ विप्रा॑सो म॒तिभि॑र्जरन्ते ॥ ५.०८०.०१
ए॒षा जनं॑ दर्शता बो॒धय॑न्ती सु॒गान्प॑थः कृ॒ण्वती॑ यात्यग्रे ।
बृ॒हद्र॑था बृ॒हती॑ विश्वमिन्वोषा ज्योतिर्यच्छत्यग्रे अहाम् ॥ ५.०८०.०२
ए॒षा गो॑भिररुणेभिर्यु॒जाना॑स्त्रेधन्ती॒ रयि॑मप्रायु च॒क्रे ।
प॒थो रद॑न्ती सु॒विता॑य दे॒वी पुरु॑ष्टृता विश्व॒वारा॑ वि भाति ॥ ५.०८०.०३
ए॒षा व्ये॑नी भवति द्वि॒बर्हा॑ आविष्कृ॒ण्वाना॑ तन्वं पुरस्तात् ।
ऋ॒तस्य॑ पन्था॒मन्वे॑ति सा॒धु प्र॑जानती॒व न दि॑शो मिनाति ॥ ५.०८०.०४
ए॒षा शु॒भ्रा न त॑न्वो वि॒दानो॑र्ध्वेव॒ स्नाती॑ दृशये॒ नो अ॑स्थात् ।

अप॒ द्वेषो॑ बाध॒माना॑ तमा॒स्युषा॑ दि॒वो दु॒हिता॑ ज्योति॒षागात् ॥ ५.०८०.०५
 एषा॑ प्रती॒ची दु॒हिता॑ दि॒वो नृ॒न्योषे॑व भ॒द्रा नि रि॒णीते॑ अप्सः ।
 व्यूर्ण्व॑ती दा॒शुषे॑ वा॒र्याणि॑ पुन॒ज्योति॑र्यु॒वतिः॑ पू॒र्वथा॑कः ॥ ५.०८०.०६
 यु॒ञ्जते॑ मन॒ उत॑ यु॒ञ्जते॑ धियो॒ विप्रा॑ विप्र॒स्य बृ॒हतो॑ वि॒पश्चितः॑ ।
 वि हो॒त्रा द॒धे व॒युना॑विदे॒क इ॒न्मही॑ दे॒वस्य॑ स॒वितुः॑ परि॒ष्टुतिः॑ ॥ ५.०८१.०१
 विश्वा॑ रू॒पाणि॑ प्रति॒ मुञ्चते॑ क॒विः प्रा॒सावी॑द्भ॒द्रं द्वि॒पदे॑ चतु॒ष्पदे॑ ।
 वि ना॒कम॑र॒ख्यत्स॒विता॑ वरे॒ण्योऽनु॑ प्र॒याण॑मुष॒सो वि॒ राज॑ति ॥ ५.०८१.०२
 यस्य॑ प्र॒याण॑मन्व॒न्य इ॒द्ययु॑र्दे॒वा दे॒वस्य॑ महि॒मान॑मो॒जसा॑ ।
 यः पा॒र्थि॒वानि॑ वि॒ममे॑ स ए॒तशो॑ रजा॒सि दे॒वः स॒विता॑ महि॒त्वना॑ ॥ ५.०८१.०३
 उ॒त या॑सि स॒वित॒स्त्रीणि॑ रोच॒नोत॑ सूर्य॒स्य र॑श्मि॒भिः स॒मुच्य॑सि ।
 उ॒त रा॒त्रीमु॑भ॒यतः॑ परी॒यस॑ उ॒त मि॒त्रो भ॑वसि दे॒व ध॑र्म॒भिः ॥ ५.०८१.०४
 उ॒तेशि॑षे प्र॒सव॑स्य त्वमे॒क इ॒दुत॑ पू॒षा भ॑वसि दे॒व या॑म॒भिः ।
 उ॒तेदं॑ वि॒श्वं भु॒वनं॑ वि॒ राज॑सि श्या॒वाश्व॑स्ते स॒वितः॑ स्तो॒ममा॑न॒शे ॥ ५.०८१.०५
 तत्स॒वितु॑वृ॒णीम॑हे व॒यं दे॒वस्य॑ भो॒जन॑म् ।
 श्रेष्ठ॑ सर्वा॒धात॑मं॒ तुरं॑ भग॒स्य धी॑महि ॥ ५.०८२.०१
 अस्य॑ हि स्व॒यश॑स्तरं स॒वितुः॑ क॒च्चन॑ प्रि॒यम् ।
 न मि॒नन्ति॑ स्व॒राज्य॑म् ॥ ५.०८२.०२
 स हि र॒त्नानि॑ दा॒शुषे॑ सु॒वाति॑ स॒विता॑ भगः ।
 तं भा॒गं चि॒त्रमी॑महे ॥ ५.०८२.०३
 अ॒द्या नो॑ दे॒व स॒वितः॑ प्र॒जाव॑त्सा॒वीः सौ॒भग॑म् ।
 परा॑ दु॒ष्प्रय॑ सु॒व ॥ ५.०८२.०४
 विश्वा॑नि दे॒व स॒वित॑र्दुरि॒तानि॑ परा॑ सु॒व ।
 यद्भ॒द्रं तन्न॑ आ सु॒व ॥ ५.०८२.०५
 अना॑ग॒सो अ॒दित॑ये दे॒वस्य॑ स॒वितुः॑ स॒वे ।
 विश्वा॑ वा॒मानि॑ धी॒महि॑ ॥ ५.०८२.०६
 आ वि॒श्वदे॑वं स॒त्पतिं॑ सू॒क्तैर॑द्या वृ॒णीम॑हे ।
 स॒त्यस॑वं स॒वितार॑म् ॥ ५.०८२.०७

य इमे उभे अहनी पुर एत्यप्रयुच्छन् ।

स्वाधीर्देवः सविता ॥ ५.०८२.०८

य इमा विश्वा जातान्याश्रावयति श्लोकेन ।

प्र च सुवाति सविता ॥ ५.०८२.०९

अच्छा वद तवसं गीर्भिराभिः स्तुहि पर्जन्यं नमसा विवास ।

कनिक्रदद्वृषभो जीरदानू रेतो दधात्योषधीषु गर्भम् ॥ ५.०८३.०१

वि वृक्षान्हन्त्युत हन्ति रक्षसो विश्वं बिभाय भुवनं महावधात् ।

उतानागा ईषते वृष्ण्यावतो यत्पर्जन्यः स्तनयन्हन्ति दुष्कृतः ॥ ५.०८३.०२

रथीव कशयाश्वौ अभिक्षिपन्नाविर्दूतान्कृणुते वर्ष्याँ३ अह ।

दूरात्सिंहस्य स्तनथा उदीरते यत्पर्जन्यः कृणुते वर्ष्याँ१ नभः ॥ ५.०८३.०३

प्र वाता वान्ति पतयन्ति विद्युत उदोषधीर्जिहते पिन्वते स्वः ।

इरा विश्वस्मै भुवनाय जायते यत्पर्जन्यः पृथिवीं रेतसावति ॥ ५.०८३.०४

यस्य व्रते पृथिवी नन्नमीति यस्य व्रते शफवज्जभुरीति ।

यस्य व्रत ओषधीर्विश्वरूपाः स नः पर्जन्य महि शर्म यच्छ ॥ ५.०८३.०५

दिवो नो वृष्टिं मरुतो ररीध्वं प्र पिन्वत वृष्णो अश्वस्य धाराः ।

अर्वाङ्ङितेन स्तनयित्नुनेह्यपो निषिञ्चन्नसुरः पिता नः ॥ ५.०८३.०६

अभि क्रन्द स्तनय गर्भमा धा उदन्वता परि दीया रथेन ।

दृतिं सु कर्ष विषितं न्यञ्चं समा भवन्तूद्वतो निपादाः ॥ ५.०८३.०७

महान्तं कोशमुदचा नि षिञ्च स्यन्दन्तां कुल्या विषिताः पुरस्तात् ।

घृतेन द्यावापृथिवी व्युन्धि सुप्रपाणं भवत्वघ्न्याभ्यः ॥ ५.०८३.०८

यत्पर्जन्य कनिक्रदत्स्तनयन्हंसि दुष्कृतः ।

प्रतीदं विश्वं मोदते यत्किं च पृथिव्यामधि ॥ ५.०८३.०९

अवर्षीर्वर्षमुदु षू गृभायाकर्धन्वान्यत्येतवा उ ।

अजीजन ओषधीर्भोजनाय कमुत प्रजाभ्योऽविदो मनीषाम् ॥ ५.०८३.१०

बळित्था पर्वतानां खिद्रं बिभर्षि पृथिवि ।

प्र या भूमिं प्रवत्वति महा जिनोषि महिनि ॥ ५.०८४.०१

स्तोमासस्त्वा विचारिणि प्रति षोभन्त्यक्तुभिः ।

प्र या वाजं न हेषन्तं पेरुमस्यस्यर्जुनि ॥ ५.०८४.०२
 दृक्हा चिद्या वनस्पतीन्क्षमया दर्धर्ष्योजसा ।
 यत्ते अभ्रस्य विद्युतो दिवो वर्षन्ति वृष्टयः ॥ ५.०८४.०३
 प्र सम्राजे बृहदर्चा गभीरं ब्रह्म प्रियं वरुणाय श्रुताय ।
 वि यो जघान शमितेव चमोपस्तिरे पृथिवीं सूर्याय ॥ ५.०८५.०१
 वनेषु व्यश्नरिक्षं ततान वाजमर्वत्सु पय उस्त्रियासु ।
 हत्सु क्रतुं वरुणो अप्स्वश्निं दिवि सूर्यमदधात्सोममद्रौ ॥ ५.०८५.०२
 नीचीनबारं वरुणः कवन्धं प्र ससर्ज रोदसी अन्तरिक्षम् ।
 तेन विश्वस्य भुवनस्य राजा यवं न वृष्टिव्युनत्ति भूम ॥ ५.०८५.०३
 उनत्ति भूमिं पृथिवीमुत द्यां यदा दुग्धं वरुणो वष्ट्रादित् ।
 समभ्रेण वसत पर्वतासस्तविषीयन्तः श्रथयन्त वीराः ॥ ५.०८५.०४
 इमाम् प्वासुरस्य श्रुतस्य महीं मायां वरुणस्य प्र वोचम् ।
 मानेनेव तस्थिवाँ अन्तरिक्षे वि यो ममे पृथिवीं सूर्येण ॥ ५.०८५.०५
 इमाम् नु कवितमस्य मायां महीं देवस्य नकिरा दधर्ष ।
 एकं यदुद्रा न पृणन्त्येनीरासिञ्चन्तीरवनयः समुद्रम् ॥ ५.०८५.०६
 अर्यम्यं वरुण मित्र्यं वा सखायं वा सदमिद्धातरं वा ।
 वेशं वा नित्यं वरुणारणं वा यत्सीमागश्चकृमा शिश्रथस्तत् ॥ ५.०८५.०७
 कितवासो यद्रिरिपुर्न दीवि यद्वा घा सत्यमुत यन्न विद्म ।
 सर्वा ता वि ष्यं शिथिरेव देवाधा ते स्याम वरुण प्रियासः ॥ ५.०८५.०८
 इन्द्राग्नी यमवथ उभा वाजेषु मत्यम् ।
 दृक्हा चित्स प्र भेदति द्युम्ना वाणीरिव त्रितः ॥ ५.०८६.०१
 या पृतनासु दुष्टरा या वाजेषु श्रवाय्या ।
 या पञ्च चर्षणीरभीन्द्राग्नी ता हवामहे ॥ ५.०८६.०२
 तयोरिदमवच्छवस्तिग्मा दिद्युन्मघोनोः ।
 प्रति द्रुणा गभस्त्योर्गवा वृत्रघ्न एषते ॥ ५.०८६.०३
 ता वामेषे रथानामिन्द्राग्नी हवामहे ।
 पती तुरस्य राधसो विद्वांसा गिर्वणस्तमा ॥ ५.०८६.०४

ता वृधन्तावनु द्यून्मर्ताय देवावदभा ।
 अर्हन्ता चित्पुरो दधेऽशेव देवावर्षते ॥ ५.०८६.०५
 एवेन्द्राग्निभ्यामहावि हव्यं शूष्यं घृतं न पूतमद्रिभिः ।
 ता सूरिषु श्रवो बृहद्रथिं गृणत्सु दिधृतमिषं गृणत्सु दिधृतम् ॥ ५.०८६.०६
 प्र वो महे मतयो यन्तु विष्णवे मरुत्वते गिरिजा एवयामरुत् ।
 प्र शर्धाय प्रयज्यवे सुखादये तवसे भन्ददिष्टये धुनिव्रताय शवसे ॥ ५.०८७.०१
 प्र ये जाता महिना ये च नु स्वयं प्र विद्वाना ब्रुवत एवयामरुत् ।
 ऋत्वा तद्वो मरुतो नाधृषे शवो दाना म्हा तदेषामधृष्टासो नाद्रयः ॥ ५.०८७.०२
 प्र ये दिवो बृहतः शृण्विरे गिरा सुशुक्कानः सुभ्व एवयामरुत् ।
 न येषामिरी सधस्थ ईष्ट आँ अग्रयो न स्वविद्युतः प्र स्यन्द्रासो धुनीनाम् ॥ ५.०८७.०३
 स चक्रमे महतो निरुरुक्रमः समानस्मात्सदस एवयामरुत् ।
 यदायुक्त त्मना स्वादधि ण्णुभिर्विष्मर्धसो विमहसो जिगाति शेवृधो नृभिः ॥ ५.०८७.०४
 स्वनो न वोऽमवात्रेजयदृषा त्वेषो ययिस्तविष एवयामरुत् ।
 येना सहन्त ऋञ्जत स्वरोचिषः स्थारश्मानो हिरण्ययाः स्वायुधास इष्मिणः ॥ ५.०८७.०५
 अपारो वो महिमा वृद्धशवसस्त्वेषं शवोऽवत्वेवयामरुत् ।
 स्थातारो हि प्रसितौ संदृशि स्थन ते न उरुष्यता निदः शुशुक्कांसो नाग्रयः ॥ ५.०८७.०६
 ते रुद्रासः सुमखा अग्रयो यथा तुविद्युम्ना अवन्त्वेवयामरुत् ।
 दीर्घं पृथु पप्रथे सन्न पार्थिवं येषामज्मेष्वा महः शर्धास्यद्भुतैनसाम् ॥ ५.०८७.०७
 अद्वेषो नो मरुतो गातुमेतन श्रोता हव जरितुरेवयामरुत् ।
 विष्णोर्महः समन्यवो युयोतन स्मद्रथ्योऽ न दंसनाप द्वेषासि सनुतः ॥ ५.०८७.०८
 गन्ता नो यज्ञं यज्ञियाः सुशमि श्रोता हवमरक्ष एवयामरुत् ।
 ज्येष्ठासो न पर्वतासो व्योमनि यूयं तस्य प्रचेतसः स्यात दुर्धर्तवो निदः ॥ ५.०८७.०९

Last updated July 2, 2013

Special mention : Initial processing and help by Avinash and Shashi Sathaye,

Avinash Chopde, Shree Devi Kumar, Sunder Hattangadi, John Gardner.

Reprocessed from Original in final form by Detlef Eichler with additional corrections.

See Detlef's site <http://www.detlef108.de/Rigvedatm>

for other details and formats.

The text is shown with accents (Anudattas, dependent Svaritas, and independent Svaritas including Kampas). Words are connected (agnimILe).

Ch is doubled as in gachChati according to the rules of Rigveda-Pratishakhya.

At the end of a word m is replaced by Anusvara M if the initial letter of the following word is a labial stop consonant (p, ph, b, bh, m).

Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version of the Rigveda (<http://www.people.fas.harvard.edu/~witzel/onlineRVtm>).

In this text accented vowels have Udatta or 'independent Svarita' markers.

Kampas are not shown. Words are separated (agnim ILe).


Ch is not doubled as in gaChati. At the end of a word we find m before a following labial stop consonant (p, ph, b, bh, m).

Visarga H before sh, Sh or s followed by a voiceless consonant has been dropped according to a rule of Rigveda-Pratishakhya.

Send corrections to : detlefeichler@googlemail.com, sanskrit@cheerful.com


Rigveda Mandala 5

pdf was typeset on October 2, 2020


Please send corrections to sanskrit@cheerful.com

